

## **ASO TOFI, 20 MATI 2014**

*Na nofoia le Nofoa e le Fofoga Fetalai i le itula e 9:00 i le taeao.*

Tatalo.

**FOFOGA FETALAI:** E lagona le agaga faafetai i lenei taeao fou ona o lea ua tatou sagisagi fiafia ma tatou feiloai i magafetau soifua. Ua vaai atu sulu o le tino ua matagofie lenei taeao i le alafai mai i le soifua manuia o le tatou Maota i le paia maua i a outou Afioga i sui usufono, le mamalu i Taitai o le atunuu, Afioga i le Sui Palemia ma le Kapeneta, e le gata i lea o lea tala-na-atoa aemaise foi o le faafoisia o le malosi o le Afioga i le Taitai o le Itu Agai ma le loaloa o le Palemene i ona tulaga faalupu. O le agaga faafetai lena i lenei taeao. O le mea sili ua tatou maua uma le malosi i le tino, o le agaga ma le mafaufau e faaauau ai a tatou galuega.

E faafetai atu foi Samoa i lau tapuaiga i lenei taeao ona o lea ua sii le sa tele o le atunuu o le a folau, ae e manatu o Samoa o le atunuu e tapuaia le alofaiva o ona Taitai. Ia outou mau iumaea pea ne i mea ane ua tafea i le au le sa folau o le Palemene, ae ia outou mau iumaea pea aua le tapuaiga i lenei aso. Tu'i maia le mulipapaga ma e talitonu le faamoemoe o le a faagasolo galuega a le Palemene e pei ona masani ai.

E pei lava o lau faatalauula i le aso ananafi, o le taeao fou lena ma o lea o le a folifoli mai le sa o le Afioga i le Minisita. O le Tulafono Tau Faaofi e Taofia ai Faiga Faaterorisi 2014 lea o le a tatou talanoa i ai. O lona uiga e tatau ona matua manino ma malamalama lelei leaga o le puipuiga lea o le atunuu i mea tau faalavelave tutupu faafuasei aua leaga e i ai le maatui, le maagao ma le laufaleaina, le fueloloo, o ulu ma lou le maga e agai mai e faavevesi le lalolagi.

O lea lava e tau sue le vaalele lea e sue nei po o fea o i ai. Tatou te le manaomia ni mea faapea e oo mai i le atunuu. A o i ai ni terorisi faataitai, o lea e tau fuafua le Tulafono Tau Faaofi lena e saisi mau ai i lalo ina ia aua ne i tutupu nei mea. Alo maia lo tatou Maota i lena taeao o lea ua faagasolo atatu galuega. O le po anapo sa maea ai ona faatu le lafo e le Afioga i le Minisita. O le a amata le tatou fonotaga.

**Afioga Hon Palusalua Faapo II (Taitai o le Itu Agai):** Lau Afioga i le Fofoga Fetalai....

**FOFOGA FETALAI:** Tulai mai lau Afioga i le Taitai o le Itu Agai.

**Afioga Hon Palusalua Faapo II:** Faafetai tele lava i le avanoa ma lou faaaloalo. O lea ua e sii le viiga ma le faapolo i le Atua ona ua taitai filemu mai outou soifua ma so matou ola i lena taeao. Ia saga viia le alofa o le Atua leaga o tatou faiva o faiva e tapuaia e le atunuu.

O lea ua e saunoa ma faafetai ua faafoi le soifua lelei ia te au ae paga lea lau Afioga i le Fofoga Fetalai, leaga e le nofonofoi le Itu lenei aua tatou te tapuaia foi faiva o le tatou tama le Afioga i le Palemia. O upu tuusao la aua o lea e faafofoga mai le atunuu, sa ou faapea e aafia i lau tatalo i lenei taeao. O le mea lea lau Afioga i le Fofoga Fetalai, e avatu o matou moomooga alofa e avea ai au ma sui o le Itu Agai ma lenei Palemene pe afai o feagai le Afioga i le Palemia ma le fala efu i le le atoatoa o le malosi. O le matou tatalo ia alofagia e le Atua ina ia i ai se taimi ia toe faafoi le soifua ma tatou mafuta i inei e pei ona tatou feagai ai i le Palemene.

O la e tapuai mai le atunuu aemaise o a tatou galuega ona e le i aafia i le tatalo i lenei taeao e tusa ai ma le tatou tapuaiga. O moomooga na leaga o le Palemia o le Taitai o le Malo, o le Taitai foi o lenei Itu pe a tuu lava i le tatou nonofo ai. Ia alofagia e le Atua.....

**FOFOGA FETALAI:** O lea ua ou maua faafetai atu. O lea ua matua atoatoa lou finagalo lau Afioga i le Taitai o le Itu Agai, ae silasila foi afai ua e iloa se mea i lenei taeao, ona e tatalo lea i le mea lilo. O le agaga lea na e faafofoga mai ai i lau tatalo, na ou tatalo faalauaitele mo le atunuu atoa. E le o gasegase le Afioga i le Taitai o le Malo o la e fai sana malologa. O le agaga moni lena ma tulaga faakerisiano, afai ua outou silafia o i ai se tulaga faapea, ona tatalo faalilolilo lea o le tagata ia, ae le o le tulai mai e faalauiloa ua gasegase le Palemia. E le o le agaga lena, e manino ma malamalama mea uma i le taumafai atu ona o lea foi sa fai le tatou tatalo faapitoa e talosia uma ai le atunuu, ae e le aafia ai na o le Palemia, ae tatalo mo e uma o gasegase ma puapuagatia o le atunuu. Ae o lenei aso afai ua outou silafia ua tataua ona momoli ni talosaga mo le faamalologa i le Palemia, e lafo atu ae le faapea o le a faalauiloa faalauaitele. O lea ua silafia uma ma tofua le tagata ma lana tatalo lilo o lea e fai mo le tatou fonotaga ma tatalo aua o lena foi e le o atoa lou malosi.

O le agaga lena o lenei taeao, ia tatou moli talosaga mo i tatou uma o e ua gasegase ma e o le a gasegase, ae faatonutonu folau ai le tatou fonofono ae aua ia le atugalua ma outou fesiligia lau tatalo. Tatou te taufai tatalo faatasi aua a aumai nei le Hansard, o lau tatalo e afea lava mea uma ma talosia e o faatafa gasegase. O le agaga lea ae le o se faafinauga, ae tatou tepa taulai i lenei taeao ma le tatou mafutaga. Tulai mai lau Afioga i le Sui Palemia.

**Tofa Hon Fonotoe Nuafesili Pierre Lauofo (Sui Palemia):** Lau Afioga i le Fofoga Fetalai, ou te tulai atu ma le faaaloalo tele i lenei taeao. E sao lelei lava le saunoaga a lau Afioga, o le matou lava faalogologo atu e matua leai lava ma se mea o faaletonu i lau tatalo i lenei taeao. E matua 100% ma o lena e sao lelei lava, e leai foi se tulaga ne i te i ua faapopoleina fua le Maota, ae a le faafogafogaaga a le atunuu. O le Palemia o lo o manuia o lo o toesea atu i nai tuatuaiga faalegaluega ma nai isi asiasiga pupuu, ae tatou talosia. Masalo o se taimi lava o le aso atonu lava o le a faatasi mai ai.

**Afioga Hon Palusalua Faapo II:** Lau Afioga i le Fofoga Fetalai, ua tele lava le sese. O le a le mea e ala ai ona tau nana, o lea e tapuai le atunuu? O le Taitai o le atunuu, aua le pepelo.

**FOFOGA FETALAI:** Malie lau Afioga i le Taitai o le Itu Agai, alaala i lalo.

**Tofa Hon Fonotoe Nuafesili Pierre Lauofo:** O lo o manuia le Palemia e leai se mea o faaletonu. O lau talosaga molia i lenei taeao ua tatou auai faatasi i le faafetai ua molia e lau Afioga i le Fofoga Fetalai, ae ona pau lava le mea o au sa ou tatalo anapo ma nei i le taeao. O lea la ua ou vaai atu o lena ua toe faafoisia le malosia o le Afioga i le Taitai o le Itu Agai aua o lea sa gasegase i ona fofoga ona na maua i le faamai mata. O lea la ua tatou toe faatasi i lenei taeao, ua vaai atu ua toe 100% tulaga uma. O le tulaga lea e leai se mea e faapopoleina ai fua, ae faaauau a tatou galuega o lo o manuia le Afioga i le Palemia.

**FOFOGA FETALAI:** O le agaga lena ne i avea le se ma mea mamafa ona o lea ua amata ona outou fesiligia lau tatalo. Se i silasila i ai, tatalo le tagata ia i le mea lilo i lona finagalo pe a moni le alofa lea e faaali mai, tatalo ae aua tou te agai mai e aoai lau tatalo po o le a le mea na mafua ai ona le talosia i ma o, ae e leai e le o le agaga lena. A i ai se faamoemoe faapena, o i uta e saili po o le a tonu le mea lena tou te taumafai mai i ai. A o le agaga lea e avatu e manino mea uma ona o lea ua tatou talosiaina.

Ou te tatalo atu ne i faauiga sese ia mea ma avea ai ma mea mamafa, ona avea lea o le se ma mea mamafa, a o le tapuaiga a le atunuu ne i te i foi ua ave ni tala sese, ae e leai e le o le tulaga lena o i ai.

Tulai mai lau Afioga i le Minisita mo Leoleo ma Falepuipui e fai lau folasaga e ala i le Tulafono ma amioga Faaterorisi.

## **TULAFONO TAU FAAOFI E TAOFIA AI FAIGA FAATERORISI**

**2014 – felafolafoaiga faaauau i luga o le faitauga faalua**

**Afioga Hon SALA FATA LISATI PINATI (Minisita mo Leoleo ma Falepuipui, Auaunaga o Tinei Mu ma Faalavelave Tutupu Faafuasei):** Faafetai mo le avanoa i lenei taeao totoa ma le taeao manino ua alafai mai ai i faguga lelei le Maota o Samoa i le alofa ma le agalelei o le Tapaau i le lagi.

O le aso anapo a o talanoaina le mataupu lea, sa logoina mai ai au e le Sui Komesina o Leoleo ia Fauono, sa faapea mai o lo o fai se malologa a le tama po o le Taitai o le Malo. E leai la se agaga e faapopoleina ai le tofa. O le mea lea o le mea moni lava, o lea ou te tautino atu e le o i ai se faatafa gasegase o le Palemia. Ona pau lava lea ua fia maua se malologa ma o le ala lea na tuua ai le Maota. Sa faapea foi ona autovaa atu foi nisi o malu o le Malo e vaai ma puipui le soifua manuia o lo tatou Taitai. O se faaaliga lea ma le faaaloalo. Sa ou fia tau atu lava anapo ae sa ou manatu e leai se mea o le a faapopoleina ai le Maota faapea foi le atunuu. Samoa o lo o solosolo lelei mea uma. O lo o soifua manuia foi lo tatou Taitai. E faafetai i le agalelei o le Atua ona o lea ua molimoli mai lau Palemene i lenei taeao i le manuia ma le lagi e mama atoa ma le soifua maua.

Ua ou tulai atu i lenei taeao ona o le Tulafono Tau Faaofi leni o le au faatupu faalavelave, ua soloia ai le Tulafono o le 2002, a o le Tulafono Tau Faaofi leni e Taofia ai Faiga Faaterorisi 2014, e i ai lona piitaga i le

Tulafono a le Ofisa o Tupe, le Ofisa o Vaalele Sivili faapea foi ma le Tulafono o Tupe Maua.

E le na ma le laina le tulaga ua i ai le tele o faafitauli e tulai mai. A matau atu foi i le tulaga ua i ai le vaalele o lo o saili nei ona tatou manatua lea, pe mafua aisea ona i ai tagata faapea i le lalolagi lenei, tagata ua taua o faatupu faalavelave, e ave faamalosi meatotino, o le faoa po o le ave o tagata faamalosi...ni tupe, po o ni taupulepulega foi. O ia vaega uma ua i lalo o se category, o i latou nei o lo o faatupuina faalavelave, ae agai tonu foi la i ai le Tulafono.

O anapo foi sa tatou talanoaina ai le Tulafono Tau Faaofi Faanatinati a le SIFA i mea la ia o Mavaega Tausi, i tupe a i latou mai fafo le au milionea o lo o faapea ona taumafai mai e fia teu i Samoa nei ona o itu lava nei o le...masalo ona o le maaleale o tatou i tulaga o vevesiga o lo o i ai, ae o se atunuu e filemu. O lea la ua i ai se manatu, e o faatasi le Tulafono Tau Faaofi e Taofia ai Faiga Faaterorisi 2014 ma le Tulafono e puipui mai ai tagata latou te aumaia ni tupe e faamama i inei, pe o le mea foi lea faapea o le money laundering. Ae ao foi ona tatou silasila totoa i ai ma ia faapena ona agai i ai se suesuega e ala lea i le va la lea ma Malo tetele, aua o lenei Tulafono o le Tulafono e mai i Malo Aufaatasi, ae le o se Tulafono faapea na fai e tatou nei ona mo...ioe, na fai ina ia puipui ma malutia ai o tatou tagata, femalagaiga.

O lalo la o lenei Tulafono, o le ave faamalosi o vaalele, o sui sooupu o faigamalo e mafai ona faapea o le kidnap, o vaega uma ia o lo o i ai i lalo o lenei Tulafono, ia puipui mai i latou o lo o faapea ona sauaina i le lalolagi i le matautia o ia faiga. Ou te molimau atu lava au ia, o Samoa nei e leai ni terorisi na o tagata lelei, pau lava le mea lea ou te iloa e au ia, o le faatau atu o le mariuana e maua ai se fagupia, ia a maua foi ona ave lea loka i uta. A o lea mea e faapea mai o le matitiva e faatau ai le mariuana, ia ailoga. Ou te tau atu lava e au ia o ia lava vaega uma e na o ni lafoga foi lele po o ni tuuaiga foi lele, a o lau lava maitau, amuia lava Samoa. E fai lava lau tala, o le atunuu lenei o se atunuu e lolotu tagata, ae i ai la le taimi a oo lava ina faaletonu le mafaufau o le isi, ia pei la o le mea lea na tupu mai i Ulutogia, ua matua tele le tiapolo. E fai o le lotu, tatalo, ae le moni le tatalo. O lona uiga e tatau ona faapea ifo, le Alii e, ia alofa mai ma faamagalalo au. Ia a o le mea moni lava ia, e tofu lava tatou ma le tevolo e i ai, e oo foi ia te au, a oo foi pe i ai se taimi pe faaosofia ai au e le agaga foi lele ua ta le fiafia, ia ona ta lafo lea o se upu tele lava, ioe.

O le Tulafono lenei, ou te talitonu ua lausilafia e le Maota lenei, ua lava tapena foi ma ua leai se vaipanoa e le o oo i ai le saililiga ma le talitonuga ma le malamalamaaga o le Maota, aua o le Maota o Samoa e na o le aufai tofa o lo o faapea ona filifili mai e itumalo e fai ma o latou sui. Ua i ai nei le fuafuaga a le Malo ua uma foi ona tofia se Komiti e tusa ai ma fuafuaga fai a le Malo aua la le fonotele a le SIDS lea e fai mai i Samoa nei. Atonu o se tasi lea o vaega ua mafua ai ona aumaia le Tulafono lenei, ina ia malupuipua i latou o le a faapea ona autovaa mai.

Mo le silafia e le Maota, o lea ua i luma nei o au ua ou tauaaoina le pepa lea, o le mafiafia foi lea o le tapenaga a le security, o le security ua uma ona tofia e le Palemia e taitai ai, o le security ou te chair ai. O le agaga foi la o lou nei sui usufono, ia tofutofusia le sui usufono o Samoa ma le kopi lea, aisea? Aua foi e i ai lou talitonuga, o le Maota o Samoa e tatala i ai, e avatu, aumai, e le faalafia foi se mea, e tuu manino atu lava mo lo outou silafia, o le tatou

galuega e fai faatasi, o le Malo Samoa e fai e sui usufono filifilia o le atunuu, o le tatou Malo lea. Ona e i ai le agaga o lea ua tapena mai kopi o le pepa lea, o le a faapea ona tauaao atu i sui usufono uma lava atoa ai foi ma le Aiga Kapeneta, aua e le tofu i matou ma tofusia le Kapeneta ma o matou lava nei e chair ina le fonu, a o lea o le a taumafai e faaoo atu i a outou Afioga mo lo outou silafia vaega eseese ua nofo tapena i ai le mamalu o alo ma fanau ua faapea ona ave i ai lo tatou faatuatuaga o malu o le Malo. O ia la vaega, ua faapea ona ave i ai le faamuamua ia Fauono. O Fauono o le...ua ou taua Fauono o le Commander in Chief ona o tulaga nei, o ia o se Taitaiua lelei; e lelei Fauono. Amuia foi tatou - mo le silafia e le Maota, e tasi lea toa manumanu o le atunuu o Fauono. Se faamolemole sei...e lelei lava le...leaga o isi e le i vaai i lau Afioga. Ia, o Fauono lea, *(na faaali le fiafia o sui usufono i le patipati o o latou aao)*.

**FOFOGA FETALAI:** Malo le faaeaea i lau Afioga i le Minisita.

**Afioga Hon SALA FATA LISATI PINATI:** Ia, a fai i fea le tautua i le ao ma le po a alo ma fanau o le atunuu? O nei la vaega uma ua i ai uma lava tapenaga. O fesootaiga a tatou iinei ma le Interpol i fafo ma vaega eseese e i ai Ausetalia, Niu Sila ma Amerika i vaega ina ia faapea ona tufatufa mai information ia i latou o lo o faapea ona masalomia. E i ai faalapotopotoga o le vaega lea le JICA, SHAPAP o ai lava i latou foi o faapea ona i ai le masalosologa, ia atoa foi ma i latou taitoatasi o lo o faia lea tulaga o le faia o amio le pulea, e pei ona i ai le popolega. Ae a faapea tou te finagalo o le a ou faitau atua, ia masalo e tau lava nanei i le afiafi o ou faitau atua le Tulafono lea ma tapenaga. Ae lelei pea ona avatu pea na o sina vaega....

**Tofa Hon Fonotoe Nuafesili Pierre Laufo:** Lau Afioga i le Fofoga Fetalai, ou te tulai atu, ou te....

**FOFOGA FETALAI:** Ia malie lau Afioga i le Minisita, se i tulai atu le Afioga i le Sui Palemia.

**Tofa Hon Fonotoe Nuafesili Pierre Laufo:** O le saunoaga matagofie, o le saunoaga foi faamalamalama a le Afioga i le Minisita, ia o lea foi ou te iloa e le faalavelaveina le saunoaga faamalamalama, ae e tataua lava ona ou soso atu i le Afioga i le Minisita i ana polokalame ia ma lana lisi lea e pei e tau fuafua e faasalalau ma lau mai. Afai lava o tulaga tau security, o le tatou fonotaga o le SIDS, se i toe fesili tasi lava i lau Commander in Chief pe tataua ona faalauiloa ia fuafuaga ona o mea ia tau security? E pei foi lele e le tataua ona faalauiloaina ina ne i te i ua maua e se au terorisi lau lisi lena ona toe sue atu lea o lau Commander in Chief ua le iloa po o fea o i ai? E pei o le mea lea ua ou soso atu ai ma le faaloalo.

**FOFOGA FETALAI:** Ia tulai mai lau Afioga i le Minisita. E pei o faamaumaga ia e manao le Minisita e faasalalau ma o polokalame faalauiloa e fesoasoani atu ai i le tatou Palemene i le Security, ae ou te iloa o lea lava e taofiofi e le Minisita tulaga tau confidential information.

**Afioga Hon SALA FATA LISATI PINATI:** Ia faafetai. Ou te faafetai atu i le Sui Palemia. O le agaga foi lea ou te iloa o lea e agai mai ai le Sui Palemia, o le au faatupu vevesi i totonu o le Maota, pei o le agaga lena. E le o i ai ni terorisi i totonu iinei. E pei la o se faataitaiga, o le sui usufono mo Gagaemauga Nu. 2 o se terorisi? Po o le sui usufono mo Faleata Sisifo le isi taitai o terorisi? Ia po o le sui usufono foi mo Aiga i le Tai? Leai, ou te tau atu, o le agaga lava ia o le agaga e avatu sao e mama foi le agaga. O mea lava a tatou e fetufoai. O lea e faa-Samoa isi mea ia, e leai foi ni mea e confidential o i ai i totonu iinei i vaega ia. O mea ia o le tapenaga aua le malutia o usugafono o le a Samoa o le a faapea....O le afaina o tagata lea o le a ou tago e faitau atu ai, the Conference consist of....three Conference Official Meeting, a total of 3,000 delegates are expected, a large number of media personnel will cover the Conference.

**Afioga Hon Palusalua Faapo II:** Lau Afioga i le Fofoga Fetalai o se mea e fia malamalama ai.

**FOFOGA FETALAI:** Ia o le a se mea e fia.....Sei malie lava lau Afioga i le Minisita, sei tuu atu pea le avanoa i le Taitai o le Itu Agai.

**Afioga Hon Palusalua Faapo II:** Ua ta alofa i le Afioga i le Minisita, aua o lea pei e le silafia e le Sui Palemia ia le faamoemoe o le Matagaluega.

O le isi tulaga ua ou tulai atu ai, e avatu le lagolago o le Itu Agai ona o le taua o lau Tulafono, ioe, taua o lau Tulafono ona o lea e aumai le mafuaaga, o le pui puiga o le tatou Fono tele. A o lea ua ou vaavaai atu, ua sauni le Afioga i le Minisita e faitau atoa le Tulafono, a o le Tulafono o lea e faamoemoe e faanatinati?

**FOFOGA FETALAI:** I, o lea ua maua lau Afioga i le Taitai o le Itu Agai, e tuu atu pea le avanoa i le Sui Palemia.

**Tofa Hon Fonotoe Nuafesili Pierre Lauofo:** Lau Afioga i le Fofoga Fetalai, leai, e matuai ou malamalama lelei i le taumafaiga lea e taumafai mai i ai le Afioga i le Minisita ona o tulaga ia tau pui puiga lea e tau agaigai i ai. E talafeagai lelei ma le Tulafono lenei, aua o le pui puiga mai le au faatupu faalavelave le au Terorisi. Pei la o le vaega lena lea e tau saunoa mai ai le Afioga i le Minisita, a o lea ou te fautua atu, e i ai la mo vaega foi ia aua o la e silafia e le Minisita e i ai la vaega na e aua le faalauiloa i le Taitai o le Itu Agai ma le latou itu, te i ua iloa e latou, a, aua e tutusa lava le vaega le la ma le au Terorisi, ne i te i ua latou iloa isi a tatou mea na ae sei faatoa faailoa i le taimi ua uma le fonotaga ina ia malupuipua le fono.

**Afioga Hon Palusalua Faapo II:** Lau Afioga i le Fofoga Fetalai o se mea e fia faasao.

**FOFOGA FETALAI:** Ia, tulai mai le Afioga i le Taitai o le Itu Agai.

**Afioga Hon Palusalua Faapo II:** Leaga o la e faafogafoga mai le atunuu, o lea ua faatusa lenei vaega o le au Terorisi, e le....aua le....toe faafoi upu ia, aveese ma faamaumauga, leaga o le Itu Agai o sui usufono mamalu o le

atunuu, o sui usufono mamalu o itumalo o la e faafogafoga mai, afai o lafoga ia a le Sui Palemia, oi talofa e, o ituaiga lafoga faapea, pei e foliga e fia malie ae ua iloa ai le vaivai, ioe, leaga o le atunuu, leaga o itumalo na aumaia sui usufono ia, o la e tapuaia mai, ae a tau mai o matou o Terorisi. Toe faafoi upu ia lau Afioga i le Fofoga Fetalai.

**FOFOGA FETALAI:** Ua maua lou finagalo. Tulai mai lau Afioga i le Sui Palemia.

**Tofa Hon Fonotoe Nuafesili Pierre Lauofo:** Sei silasila, silasila lau Afioga i le Tulafono, a silasila faitau lelei i le faauigaina o le Terorisi, ia o le terorisi e le faapea na o le au faapa pomu, aua o le mea tonu lava na lena ua agai i ai lou mafaufau, leai, e aafia ai foi ma i latou foi ia e faatupu vevesi foi ia mo upu, pei lava o la outou mea lea e fai mai, a? E lautele lava la le faauigaina o le upu Terorisi, ae leaga pei lena ua e agai lava oe ia i le mea foi lea e masani ona ta tilotilo ai i TV lea e omai i news, o le au faapa pomu. Ia e sao oe leaga e leai ni a outou pomu, a o le mea lava ia o le Terorisi, ia e faapena e faaoga foi mafaufauga, a, o mea tau faufau, mo faufauga foi ia e faatoilalo le isi itu, ia o mea uma na faa-Terrorisi. Silasila la i ai.

**FOFOGA FETALAI:** Malo. Ou te fautuaina lau Afioga i le Sui Palemia, aveese le terorisi ona tau lea o le turisi ona matagofie lea o le tatou Fono i lenei taimi.

Tulai mai le Minisita mo Leoleo ma Falepuipui, Auaunaga o Tinei Mu ma Faalavelave Tutupu Faafuasei e faaauau mai le faamalamalama o lau Lipoti.

**Afioga Hon SALA FATA LISATI PINATI:** Lau Afioga i le Fofoga Fetalai mo le silafia e le Maota, e tatau ona outou faafetai ma faapea ifo, lau Afioga i le Minisita faafetai aua o lea ua afea e se agaga moni lava le agaga lea e fetufaai tala. Aisea? Aua e i ai le talitonuga, o tatou uso, e le malaese i ina malaese i inei. E eseese i upufai eseese i manatu, a o le talitonuga, sui usufono o le atunuu lenei, o Samoa mo Samoa. O le ala lea, Samoa mo Samoa. O le ala foi lea ua mafua ai ona ou faia se manatu po o se faaaliga e ao ina outou tagatagai ma outou silafia le mea o lo o agai tonu i ai le Malo ma ana fuafuaga fai. O le Fonotaga lenei, out e le taumate pe lata i se 6,000 ni tagata e omai i Samoa nei. Ia Setema i le tausaga na tea nein a amata ai ona tuu faatasi mai le security a tatou. Na amata mai ai ona implement le komiti lea o le security ma amata mai ai galuega a le malu o le Malo ma faafesootai loa fafo i le gathering mai o le information lea ina ia malutia ma puipuia lelei tagata feoi. Ua fai foi le galuega, o lo o matou galulue ma le Customs, ua i ai ma le Immigration, ua i ai ma le SPA, o le Samoa Shipping Services, o le Samoa Shipping Corporation, o le MNRE, faapea foi ma le Ministry of Health ma le isi vaega aua ua tuueseese uta, o lea ua atoa uma i i. O le aoga la o le Minista of Health ma i latou i uta, ina nei meaane ua tupu mai se faalavelave a o le a se matuia a o lo o tapena i latou mo se mass evacuation. O le galuega foi o lo o faapea ona agai i ai le malu o le Malo atoa ai ma le...

**FOFOGA FETALAI:** Malie lau Afioga i le Minisita mo Leoleo ma Falepuipui sei tuu atu le avanoa i le Afioga i le Minisita mo le Soifua Maloloina. Tulai mai lau Afioga i le Minisita.

**Afioga Hon Tuitama Talalelei Tuitama (Minisita mo le Soifua Maloloina):** E le fia faalavelaveina foi le saunoaga tau faamalamalama a le Afioga i le Minisita, ae ua ou tulai atu ona o le tulaga lea o lea e taua ai le soifua maloloina, ona o lea e peiseai e faasaga tonu manaoga pe a tupu se faalavelave.

O le itu ou te fia faamanino i lau Afioga ma le mamalu o lenei Fonotaga, e le na o le pau lea o auala faaterorisi lea e lamatia ai ni soifua o ni tagata i se faalapotopotoga. E pei foi la o le tatou Fonotaga lenei. O le isi auala faaterorisi, o le aumai faanana o ni faamai ina ia faapisia ai ni tagata i totonu o se nofoaga. O lea foi la e pei ona ou taumafai atu ananafi, aua tasi lea auala o la e silafia e le tagata e ono aafia ai se isi, a ua fai tulaga faaterorisi ona o le manao ia faaaafia ai ma isi tagata.

Lau Afioga, tasi lena vaega e mataitu e le Matagaluega i totonu o le fonotaga tele lea o le a tupu nei, aua e mafai ona aumai faanana ai faamai i totonu i auala faaterorisi. Ia manatua tagata nei ua le toe popole pe maumau ai lava o latou soifua ae ia taunuu mai lava le ma ii se mea o tumutumu ai ni tagata ina ia aafia uma ain a tagata ma masalo pe iu lava ina maliliu ai foi. Lau Afioga o le isi lea auupega faaterorisi o lo o faaaogaina nei, o le feaveaiga o faamai i mea e tumutumu ai tagata. Ia ma le faaloalo lava i lau Afioga.

**FOFOGA FETALAI:** Malo faafetai fesoasoani mai i le tatou Tulafono Tau Faaofi.

Sei tulai mai le Minisita o Tupe.

**Afioga Hon Faumuina Tiatia Faaolatane Liuga (Minisita o Tupe):** Lau Afioga i le Fofoga Fetalai, sei malolo pea si uso, le Afioga i le Minisita mo Leoleo ma Falepuipui o lo o fai mai le ma Tulafono Tau Faaofi. O lea ua saunoa na te share ina information ua i ai. O mea nei o le faiga o le puipuiga po o le security, e eseese level, level one, level two, level three, level four, level five. Ae i ai foi la classifications o information e ao ona taofi e ao foi ona tuuina atu. O lea e classified, highly classified or strictly classified ina ia aua nei mamulu ni informations leaga o mea nei o security o mea e taofimau ina nei iloa e isi tagata fuafuaga ona plan lea e ahead. E ala ona ou taua mea ia leaga sa ou tusia foi security plans i mea sa ou i ai e fuafua i information e aumai e vaega ia o lo o latou vaavaaia. O lau fesoasoani atu lea i le ma Tulafono Tau Faaofi ma si ou uso.

**FOFOGA FETALAI:** Ia, faafetai. Tulai mail au Afioga i le Sui Palemia.

**Tofa Hon Fonotoe Nuafesili Pierre Lauofo:** O lea ua sao le mea sa ou taumafai atu a ii le amataga lea ua saunoa le Afioga i le Minisita o Tupe i le tulaga lea o mea o security plans, a o le faalautele foi la o le uiga o le terorisi, o lea ua faamanino mai e le Afioga i le Minisita mo le Soifua Maloloina. Afai la o le Taitai o le Itu Agai lea e saunoa tonu i ai le Afioga i le Minisita o lo o gasegase i ona fofoga pe mai mata, o lea la ua faigofie, o le taitai la lea o le



au terorisi. O lea la ua saunoa foi le Minisita o Tupe i mea o security plans i ituaiga levels, one, two, three. O lea la o le a iloa ai i i e le Taitai o le Terorisi security plans ae lafo atu i le Afioga i le Minisita mo Leoleo ma Falepuipui sei silasila ma fuafua lelei le tatou faamatalaga o lo o faasalalau.

**FOFOGA FETALAI:** Ia, sei tuu atu le avanoa i le Taitai o le Itu Agai.

**Afioga Hon Palusalue Faapo II:** Lau Afioga ma le faaaloalo, ua ova lou le mafaufau lau Afioga i le Sui Palemia. E le o au o se Taitai o le au terorisi. O le isi tulaga, ua fetaai faalou-le-maga lena Itu. O lea e maitau atu, ua fetaai faalou-le-maga i le le maua o se tonu po o le a tonu le Tulafono Tau Faaofi a le Afioga i le Minisita mo Leoleo ma Falepuipui. O le a lou malamalama i ai?

**FOFOGA FETALAI:** Malie lau Afioga i le Taitai o le Itu Agai...

**Tofa Hon Fonotoe Nuafesili Pierre Laufo:** Lau Afioga i le Fofoga Fetalai, o le mea e fia faasao. E leai, e le o se le mafaufau. Silasila la i ai?

**Afioga Hon Palusalue Faapo II:** O lea e eseese mai outou a o le Tulafono Tau Faaofi e tatau ona talanoa i le Kapeneta. Aua e te le mafaufau, ua fai soo.

**FOFOGA FETALAI:** Malie lau Afioga i le Taitai o le Itu Agai.

**Tofa Hon Fonotoe Nuafesili Pierre Laufo:** E leai, e le o se le mafaufau.

**Afioga Hon Palusalue Faapo II:** Oi se talofa i le atunuu.

**Tofa Hon Fonotoe Nuafesili Pierre Laufo:** Silasila, o le saunoaga faamalamalama i le Tulafono Tau Faaofi, e leai ni faauilavea, a o lea e faauilavea mai le Itu Agai. O le mafuaaga foi lena o le matou tulai atu. O le mea lea, lau Afioga i le Fofoga Fetalai, e tatau ona sei saausi muamua le faamalamalamaga a le Minisita mo Leoleo ma Falepuipui.

**Afioga Hon Palusalue Faapo II:** O ia lava na muamua faauilavea lau Afioga i le Fofoga Fetalai.

**FOFOGA FETALAI:** Malie lau Afioga i le Taitai o le Itu Agai.

**Tofa Hon Fonotoe Nuafesili Pierre Laufo:** Aua e te soli Fono. O le a e le mafaufau soo.

**FOFOGA FETALAI:** Sei lauama tootoo mai le tatou Fono i lenei taeao. O le ala lea o lou taumafai atu e tuu le avanoa i le Malo pe a i ai ni mataupu e fia faaopoopo ma fia faamalamalamaga. O le faamalamalamaga sao lena pe a fai Tulafono Tau Faaofi, leaga o le Tulafono Tau Faaofi o Tulafono a le Malo. Afai foi e alu alu le folasaga a se Minisita e a ia le Tulafono Tau Faaofi, o lo o i ai sui o le Kapeneta e mafai ona fesoasoani i le faamalamalamaina o se Tulafono Tau Faaofi. Ia silasila la i ai o lea ou te tuu atu le avanoa o le ava atu, ae leai se felafolafoaiga e faia i luga o taimi o folasaga a le Minisita. O a foi a tatou upu felauai, se aua e te teitei, ua pei oe e

le o se tama tausua. O oe foi a e sua mai e sua le aulapauta sua le aulapatai. O tatou upu e felafolai ae le o se mea ua fai atu o oe o se taitai o se terorisi. Ia, o le agaga lena, ae aua le avea ma faamamafa e pei o le a faafogafoga mai le atunuu ua tatou tusitusilima. E le o le agaga lena, ia vaatele i lou finagalo. Aua nei tatou felafolai o lea e fou le tatou taeao fou mea uma. O la e foi e faamalamalama mai e le Minisita mo Leoleo ma Falepuipui. O le Minisita lenei e mama lava lona finagalo, e leai se mea na te ufiufia o la e foi e talitonu atu, e le avatua lipoti nei ona outou o lea faasalalau i se isi foi auuala e tutupu mai ai nisi faalavelave ma nisi mea. O lea e ava atu ma faatuatua atu. Na pau le mea ina ia iloa, o la outou lagolago i le Tulafono Tau Faaofi ina ia mafai ona pasia ai le soifua manuia aemaise o le puipuia o le tatou Fono lea e i ai nei. A o lea lava e malamalama lelei, o tulaga tau security, e i ai ona pa puipui, e i ai foi ona tulaga e faaeteete ai, leaga o le tulaga e tatau ona puipuia nai lo le tau togafitia. Ia malupuipuia foi aua a oo loa i lima ma aao o i latou e le talafeagai, ona tulai mai lea o ni faafitauli tatou te le manaomia, a o lea ou te maua lelei le agaga o le Minisita ma lana folasaga, ina ia outou iloa le tapenaga a le Matagaluega. A o lea foi ua fautua le Afioga i le Minisita o Tupe, fautua le Sui Palemia, o le agaga lena. E le o se mea tatou te fetotoai ai ma lafo atu le ulu o le laau faapea o outou lea o le a sauni e faapapa pomu i le Fono. E le o lena, a o lea e ave le tuualalo i le Minisita, ia seu silasila e i aim ea tatou te faasoa faalauaitele, e i ai foi mea e faasoasoa ai le Matagaluega ina ia malu la latou tofa ma le faautaga ina ia malupuipuia le tatou Fono o sauni ai.

Tulai mail au Afioga i le Minisita. Sei tulai mai le Taitai o le Itu Agai.

**Afioga Hon Palusalue Faapo II:** Lau Afioga i le Fofoga Fetalai ma le faaaloalo lava, ona o lea ua tuuaiina i matou i le faauilavea i saunoaga faamalamalama. E leai se Tulafono Tumau e puipuia ai le fesiligia o se saunoaga faamalamalama.

**FOFOGA FETALAI:** Malie lea la o le a ou fai atua. O lea ua amata ona e fesiligia mai lau galuega.

**Afioga Hon Palusalue Faapo II:** O le mea lena e ala ai ona ou tulai atu, ona o lou faiga o tatou Fono, e tatau ona fesiligia ma faasao.

**FOFOGA FETALAI:** Lau Afioga i le Taitai o le Itu Agai, faalogo mai. A fai le folasaga a le Minisita, fofola mataupu ona faatoa tatala lea o felafolafoaiga. O le Tulafono Tumau lena, ae le faia ni felafolafoaiga i le taimi lenei. Fofola le mataupu seia malamalama ona tatala atu lea e le Fofoga Fetalai o le taimi o felafolafoaiga. Aua tou te fesiligia o lea ou te faatoatoa atua le tatou Fono. O le agaga lena o lea e taumafai atu. O le tele foi o taimi o taimi e le tatau ona e lauga ai ae o lea out e faatagaina o le ava atu. Tulai mai le Minisita e saunoa e faamalamalama le Tulafono Tau Faaofi.

**Afioga Hon SALA FATA LISATI PINATI:** Faafetai. Ou te manatua lava se upu a se tasi o tama matua, 'E iloga lava aiga lelei e femisaai aua o i ina e tupu ai le filemu'. O le Atua e i ai i le mea e i ai e vatau, o le Atua foi e afio i le mea e i ai le filemu. E le o vatau la tatou i luga o tatou manatu foi nei e faaleaga. Ae le faapea foi, o felafolafoaiga lava i totonu o le Palemene e

faatamalii. O se faatofalaiga lelei o lo o faapea ona faafofoga Samoa. O tatou o taitai. O le mea lea ia lauama tootoo ma faapena ona tofa i le Atua o outou finagalo. O le a foi se lafoga a au nein a avatu, faafetai foi i le tuualalo a le Minisita o Tupe faapea foi le Sui Palemia. E faapea lava le agaga, afai e aafia le security o se atunuu, ona i ai lea o le popolega. Ae a faapea foi e talatala at uni manatu ma ni fuafuaga fai aua le silafia o le galuega o lo o faatino, faafetai i le Atua, aua e le o natia se mea. O lo o faapea ona tatala atu ma avatu le agaga, o le agaga moni lava lea o le Maota leni, o le Maota o Samoa e liuliu i ai le tofa, le faautautaga mamao, le faautautaga poto. Ia, o le agaga tonu lea e ala ai ona ou tu atu, out e le o tu atu e faatupu se vevesi, ae ua ou tu atu ona o au o le sui usufono mo Gagaemauga Nu.1. O lou uso a sui usufono mo Gagaemauga Nu.2, faafetai, ae ui o lea e maua pea le lagi soifua i lau Afioga, e faapea foi i le Taitai o le Itu Agai faapea foi le Sui Taitai, malo le faapalepale, malo le onosai. O le Tulafono Tau Faaofi leni, a faapea ua maua se pagota po o se tagata ua masalomia ae molia i le Tulafono, e 15 tausaga, ae ua i ai foi le malosiaga i leoleo e mafai ai ona taofia mai ai se ua masalomia, po o se isi foi o le aufaigaluega i le malae vaalele, e mafai ai ona latou taofia mai ona aumai loa laia lea tuuina atu i le Loia Sili e fai ai se fuafuaga agai i le Tulafono, ua na soli le Tulafono o le Malo Tutoatasi o Samoa.

Lau Afioga ou te talitonu o leni Tulafono Tau Faaofi, o se Tulafono ua fetai ma le tulaga ua i ai le lalolagi, o le puipuiga ma le malutia o o tatou tagata o lea ua i aao o alii malu o le Malo. Ua faapea foi ona galulue faatasi ma isi Matagaluega, ina ia tuu mai lo latou tauau ia mama ai le avega ae a le saogalemu o Samoa. Ia manuia le usufono a Samoa i leni taeao. Soifua.

**FOFOGA FETALAI:** Malo faafetai saunoa malamalama i lau Afioga i le Minisita, e manatu foi ua manino ma malamalama finagalo ma lagona o leni taeao i le faafogafoga atu i le folasaga o le tatou Tulafono, ma ou te talitonu o le avanoa lelei leni, tulai mai sui usufono mamalu o le tatou Maota sei avatu ni fautuaga ma ni timaiga, aua le faataunuaina o leni Tulafono Tau Faaofi taua.

Tulai mai le sui usufono mo Gagamauga Nu. 2 e saunoa mo le tatou Tulafono Tau Faaofi.

**Tofa LEVAOPOLO TALATONU (Gagaemauga Nu. 2):** Faafetai i lau Afioga mo le avanoa matagofie i leni taeao. E talitonu foi o lea ua maea foi ona e sisi le atumua o le taeao e momoli le tatou faafetai i le agalelei o le Atua ua taitai mai ai lo outou soifua ma so matou ola, e faaauau ai a tatou galuega ma le faatinoga o tatou tiute.

O leni itula lau Afioga i le Fofoga Fetalai ou te tulai atu e le tele lava se faamatalaga i le Tulafono Tau Faaofi ma le folasaga foi a le Afioga i le Minisita, e matua manino lava mea uma, e ese le matautia o le Afioga i le Minisita, malamalama, e tau nenefu laitiiti lava ia lau faalogologo ina ua tutulai isi Minisita, a o le mea atoa lau Afioga i le Minisita mo Leoleo ma Falepuipui, Auaunaga o Tinei Mu ma Faalavelave Tutupu Faafuasei, e lei soona tofia lau Afioga e avea ma Minisita mo Leoleo ma Falepuipui, Auaunaga o Tinei Mu ma Faalavelave Tutupu Faafuasei, e matautia. Na pau lava lea o sina vaega foi lea e tau faaletonu ai, ona o lea e foliga mai ua e saunoa faapea ua fuafua le Tulafono leni ona o le fonotaga, sa faapea o se Tulafono e mausali ma maumaututu ua leva ona fafau, aua le saogalemu o le

tatou atunuu i nai mea ia o Terorisi. E ui lava ina faalele foi o au o le terorisi, aua e malama nei le taeao ua front page mai au i le Observer, ia a o taua lava suaga faale-uso pei foi ona e saunoa.

Ae o ni nai fautuaga lau Afioga i le Fofoga Fetalai e tauala atu i lau Afioga i le Fofoga Fetalai lau Afioga i le Minisita, e i ai lava tulaga foi ia lea e tele ina aafia ai lo tatou atunuu i nisi o e nonofo i atunuu i fafo, ua fai o latou faasalaga foi ia i mea ia o tulaga na Faaterorisi o le fasioti tagata, vaeatu le faafogafoga a le Maota ma lo tatou atunuu, ona tipoti mai lea iinei i Samoa. E tasi lene vaega e tataua ona matua aiaia i le Tulafono, o le mea lea o le amio faapena o tagata i fafo o tagatanuu Samoa a o la foi e sitiseni i isi atunuu, ia ona foliga lea pei e aumai iinei, o lea lava la e tatou te molimauina, tasi na o tagata o lea e faatutupua mea o tulaga matuia e maimau ai le soifua o nisi o le atunuu.

O le lona lua lau Afioga i le Fofoga Fetalai, o le tapenaga lea a le tatou atunuu i le Fonotaga lea, pei o lea e ave le faamamafa i totonu o le nofoaga e fai ai le tatou fonotaga i lau tilotilo atu i ai. Ae faamolemole lau Afioga i le Fofoga Fetalai, sei tautuana ma lau Afioga ia tatou entries ia mea o airports ma mea ia o vaa ia o le sami, ina ne i...e ono mafai ona tulai mai le tulaga lea, a faapea nei ne i te i ua sau se isi o le fonofono mai se isi atunuu, afai e lamatia se tagata faapena o taumulimuli ai ia ni aga ma ni tulaga foi lea e lamatia ai se soifua o se isi mai o, ia e aafia lo tatou atunuu pe afai tatou te faatamala i o tatou ogasami. Pe o le fesili po o ua lava a tatou petrol ini vaa ma ni mea faapena e security, e oo foi la i le malae vaalele ia lava a tatou facilities? Ona o lea sa maua i le faamatalaga, pei o lea e lafo agai i o i le Matagaluega a le Samoa Airport Authority ia le tulaga lava ia lene o facility ia secure ia tulaga uma na. Ia ae e tataua lava ona amata mai i ina i le tatou Komiti na o le Security, ia sei silasila pe maua ni nai fesoasoani mai fafo e hire mai ai ni masini faapena ia matua mausali le tatou fuafuaga lene.

O le isi vaega lau Afioga, i le tulaga lava ia o mea o pauta foi ia e pei foi ona taua i lau saunoaga, e i ai le tatou masini la e i tai i o i le Customs, o lea ou te manatua po o se mea o le \$2miliona lene masini e tau o le Iron Scan, o le masini lene sa ou train ai i Ausetalia, e tasi lava pe lei atoa se tausaga ae toe taatia le masini ua maimau, ae tasi lene masini faapitoa mo le suesueina o mea ia o cocaine o mea uma lava, e maua uma lava i le masini lene, pe o i ai nisi foi ia latou te faafoea na masini ina ia faaoga tataua ai foi tupe a lo tatou atunuu ua faaalu ai i lene masini.

O le isi tulaga mulimuli lea lau Afioga i le Fofoga Fetalai, pei o lea sa e laulau maia ia Matagaluega o lo o outou vaavaa faatasi foi lele i le taumafaiga o le tatou Security, ae tasi lava le Matagaluega lea ou te faalogo atu o lene e misi, ae o le Matagaluega aupito i sili lava lea ona ou iloa e taua, o le Ofisa lea o Fuainumera i le tulaga o informations e vave ona maua informations i ni tulaga faavavevave, masalo o lea e taoto le Tulafono lea a le Ofisa o Fuainumera, ae na ona ou faufautua atu i lau Afioga i le tulaga lene, tasi lene o...aua e fiu lava tatou tatou te taumafai e aumai information, leaga o la e matua malupuipua i le Tulafono a le Ofisa o Fuainumera le release o information e manaomia pe a oo ina fai ni suesuega.

Ia ma le vaega mulimuli, ia e sao le Afioga i le Minisita mo le Soifua Maloloina, tasi lea aga o le Faa-Terrorisi o le aumai o faamai, ia a silasila la i ai le faamai mata lea, vaeatu le faafogafoga a le Maota ma le mamalu o le atunuu, o lea ua aafia ai lo tatou atunuu, o lona uiga, e tau mai ai, e lei lava

foi ia le puipuiga o le soifua maloloina ia i i nei foi mea Faaterorisi. Ae tau ina fautua atu i lea vaega, ia tatou galulue faatasi i le puipuiga o le tatou atunuu. Ma le agaga faaaloalo lau Afioga i le Fofoga Fetalai, faafetai.

**FOFOGA FETALAI:** Malo faafetai. Ia lau Afioga o lo o i ai nai sui usufono o lo o tutulai mai, e manaia le tasi o le taimi e tali ai ona faigofie lea o le galuega mo lau Afioga.

Tulai mai le sui usufono mo Faleata Sasae.

**Tofa AVEAU TUALA LEPALE NIKO PALAMO (Faleata Sasae):** E momoli atu le faamalo i lau Afioga i le Fofoga Fetalai, e momoli atu foi le faamalo i lau Afioga i le Minisita, aemaise foi o le Matagaluega e ona lenei Tulafono. Ua alu lenei taeao o tatou vavao i le upu lenei o le Terorisi – ma e foliga mai foi e eseese lava le faauigaina e le tagata ia o lenei upu o le Terorisi. Ae i totonu o le Tulafono i le Fuaiupu 3 o lo o lisi uma mai ai lava mea tau Terorisi, o le tele la o isi mea ia na saunoa ai le isi vaega ia, e le o sau ai i totonu i i le vaega lea i le Tulafono Tau Faaofi lea.

O lea la ua ou tulai atu ai ma lou faaaloalo, o se Tulafono Tau Faaofi taua lenei Tulafono ma ou te taua foi o se Tulafono taugata, aua e le taugofie le faatinoina o le Tulafono lenei, ae o se Tulafono lenei ua ogatatau foi, o le Tulafono foi pei o lea e vaavaai faalautele i le lumanai, pei foi o le future vision lea o le Matagaluega ma le Malo e agai i luma i ni mea e ono tutupu mai i totonu o Samoa. Aua e talitonu lou manatu, e lei taitai ona lava sauni lo tatou atunuu i le taimi lenei e faatino le Tulafono Tau Faaofi lenei. Sa i ai la lou manatu, pe le sa tatau ona fai muamua ia ni polokalame o ni aoaoga, po o ua i ai ni tagata agavaa ua aveatu i fafo e le Matagaluega ia po o le tatou Malo foi, ina ia foi mai faatino la le Tulafono lenei? Po o ua i ai ni sauniuniga a le Malo e aumai ai ia resources, e aumai ai ia meafaigaluega e faatino ai le Tulafono lenei, po o le Tulafono na ona aumai foi faataatia? Aua a tagai i le Tulafono Tau Faaofi lenei, o le faataitaiga muamua la, o le isi vaega tele lava o le Tulafono lenei o le pomu, faapaina o le pomu. Ua i ai la se tagata ia tatou ua mafai ona alu e detonate foi lea pe taumafai e ‘aua ne i pa le pomu? Pei ona outou tagatagai i ai, ia atonu foi lava i totonu o ata tifaga foi ia a i ai le pomu e i ai lava le vaega faapitoa e o e...Ua lava sauni ai tatou i le vaega lea? Aua tasi lea vaega tele i totonu o le Tulafono.

O le isi vaega lea e i totonu o le Tulafono, ou te faafetai i le Tulafono i faasalaga, ma o lea e tele faasalaga eseese ia o lo o i ai, o le tele lava o faasalaga nei o lo o i totonu o le Tulafono lenei o le nofo falepuipui i le olaga atoa. O le faasalaga aupito laitiiti lea e i ai i totonu o le Tulafono lenei i lau vaavaai i ai, atonu e i ai se taimi ona saunoa lea o le Afioga i le Minisita, i lalo ifo i le 12 tausaga. A o isi vaega ia e i ai i totonu o le Tulafono e pei la o le Ofisa lea o Femalagaiga o le Immigration, aua o lea ua saunoa le Afioga i le Minisita, tasi ia Matagaluega o le a latou galulue faatasi. Sei tagai ane la i le Tulafono lea o le visa lea e 60 aso, lea e mafai ai ona sau le tagata i totonu o Samoa. Aua e i ai lou talitonuga, o le Tulafono lea e pau lava le mea e manaomia e le vaega lea o lou passport ia valid pe ia oo lou passport pei ona faatulafonoina, ma ia i ai sau pepa malaga e te toe foi ai i le atunuu e te sau ai. E le o i ai i totonu i i le Tulafono lea le 60 aso lea, puipuia ma le vaavaaia o tagata faapenei, aua e sao le Tulafono o lea o le a faataatia se lisi, o le a mafai foi ona tuuina mai e le Afioga i le Palemia ia po o e foi o le a vaai lea

Tulafono, o le a faamatuu mai i tagata lautele o le atunuu ia sua ma faalapotopotoga o lo o i lalo o le Malo o Taupulega ia po o lalo o le Lalolagi o lo o afaina i le vaega lea. Ae e tatau ona matua vaavaai faalelei le Tulafono lea i ona auala uma, e le gata i le Ofisa o Femalagaiga, ae faapena foi la i le Ofisa o Tiute le Customs, ofisa uma e pei ona saunoa le Afioga i le Minisita. E pau la lau fautuaga i le Tulafono lenei, e i ai le isi vaega o le Tulafono lenei e ono aafia ai se tagata e le o se Terorisi, aua a tagai ai i lalo o le uiga o le upu Terorisi lea e sau i i ma le sala e ono aafia ai ma isi tagata. O lea ou te talosaga atu ai i le afioga i le alii Loia ma le Malo, sei toe tagatagai ifo i i i le vaega lea, pe le mafai ona faalautele le uiga o le vaega lea ina ia ese mai le tomai mai le Act lea e alu e fai mai le isi Tulafono lea e molia ai oe i lalo o le vaega lea e pei ona masani ai i le taimi nei.

O le puipua o le tagata ua molia i lalo o lenei Tulafono Tau Faaofi, o le isi lea vaega taua o le Tulafono Tau Faaofi, e le gata ina tuuina mai i le Tulafono Tau Faaofi lenei le mea e molia ai oe, a o lea foi ua aumai ai i totonu o le Tulafono Tau Faaofi lenei mea e mafai ai ona e alu e puipua oe i totonu o le Faamasinoga i totonu o lenei Tulafono Tau Faaofi. E tatau foi i le Malo ona tagatagai lelei i vaega taitasi o le Tulafono Tau Faaofi lenei e pei o le Shipping aua tasi lea galuega taua tele. E le gata i lea e tatau foi ona faamalosi i totonu o le tatou...ou te iloa o lea lava ua faamalosi, ae ia lava sauni i containers ia e aumai i fafo aua e pei ona saunoa nisi o sui usufono, masalo e silafia foi e le tatou...aua o totonu foi o le tatou atunuu o lo o maua ai foi nisi o vailaau e ono faasalalauina faapenei. E tatau foi la ona tagai le tatou Malo ma le Matagaluega i nisi o laau o lo o i totonu I inei e tuu i totonu o le lisi lenei i mea e tatau ona puipua mai ai. Aua e pei o le faataitaiga, masalo ua silafia e le Maota le vaitaimi foi lea na i ai le mea foi lea faaterorisi e tuu le pauta i totonu o le teutusi ona lafo lea i tagata, a e tatala atua le pauta lea ona e afaina ai lea. E i ai le talitonuga e i ai laau i totonu o Samoa e mafai ai ona faatino le vaega lea.

O lea la ou te talosaga ai i le Afioga i le Minisita i le Tulafono Tau Faaofi lenei pe mafai ona maitauina ma vaega taitasi nei ma faataatia i lalo o le Tulafono Tau Faaofi lenei ina ia mataina lelei aua e alu aso, ua atamamai fanau a le tatou atunuu. Aua o le taimi lenei e pei ona saunoa le Afioga i le Minisita atonu e lei oo mai lea vaega iinei o le terorisi ae faafetai o lea ua tatou sauniuni, ma ou te talitonu foi o le Tulafono Tau Faaofi lenei aua ou te iloa o lo o manao foi sui usufono taitasi o lo o omai i le Fono e fia vaai i se Tulafono e tau atu ai o latou lea e malupuipua i Samoa, atonu o lea ua i ai le Tulafono e faataatia ai le vaega lea. A o lau fautuaga e tatau ona tagai lelei i le faatinoina aua e i ai lava lou talitonuga e lei taitai ona sauniuni le tatou atunuu ma le tatou Matagaluega aua e tele tagata faapitoa e manaomia i totonu o le Tulafono Tau Faaofi lenei. E faafetai o lea ua amata le vaega o le security a le Matagaluega, ae ou te iloa foi e le o po se lilo i le Afioga a le Sui Komesina o lo o i ai nei ma le mamalu o le Matagaluega i le mataupu tonu lava lea ou te talanoa atu ai, aua e tatau ona faatino, e tatau ona matua aumai vaega taitasi afai o le vaalele lea o le a kidnap pe ave e se tagata po o se tagata foi lele ua ave e le isi tagata, ona fai foi lea e manaomia se tupe e aumai ai, e i ai foi tagata faapitoa e faatino lea mataupu. E pei o sou manatu lea na ona faataatia atu i luma o le Afioga i le Minisita ma le mamalu o le Matagaluega, ae momoli lau faafetai o lea ua amatamea le Minisita ma le

Matagaluega i se Tulafono Tau Faaofi taua e puipuia le tatou atunuu i aso o i luma. Manuia le Fono.

**FOFOGA FETALAI:** Malo. Faafetai saunoa faafetai timai ma manatu ma lagona e fesoasoani ai i le tatou Tulafono Tau Faaofi. O lea e maitau atu ua saausi le faafofoga a sui usufono mamalu lau Afioga i le Minisita, ae o le a avatu le avanoa mulimuli lea i le sui usufono mo Faleata Sisifo.

**Tofa LEALAILEPULE RIMONI AIAFI (Faleata Sisifo):** Faafetai i lau Afioga i le Fofoga Fetalai mo lenei taeao. E faatalofa atu foi i le faafofogaaga a Samoa aemaise le paia o le Maota. E avatu foi se faamalosiua i le Afioga i le Palemia ia toe maua lelei se faiga malologa lelei toe malosi le tino i le alofa o le Atua.

Faafetai i lau Afioga i le Minisita mo lenei Tulafono Tau Faaofi. O le Tulafono Tau Faaofi lenei e faapitoa lava e pei ona saunoa le Minisita ia i latou ia ua taua faa-Samoa o terorisi. E umi le faamalamalamaina ma le faauigaina o le upu terorisi o lo o aumai i le Tulafono Tau faaofi, a o le context lava ia a le Samoa ma le faa-Samoa lea tatou te malamalama i ai, o le terorisi o le tagata faapa pomu o le tagata ua loto lava ia e maluu i le mea o lo o alu e fai ina ia maliluu ai nisi e toatele ma faaleagaina ai ni meatotino, ma o tagata tonu lava ia e tau o terorisi. Ma o le mea moni e leai ni tagata faapena i Samoa. Tailo i ai leaga e le faapena o tatou uiga ma o tatou tagata, a o le Tulafono Tau Faaofi ua tuuina mai ina ia puipuia ai tatou mai ni tagata faapenei. O lo o mamafa foi le Tulafono Tau Faaofi i le ono avea o tatou ma se atunuu e avatu i ai tatou te faatupea tagata faapenei, ia e leai ni tatou tupe pe tatou te avea i ai ni meataupu o ni meatotino e fesoasoani i a latou mea e fai. Na pau le mea lea e i i e ono aafia ai tatou o le avea lea o tatou ma se atunuu e lalafi ai ni tagata faapea, e harboring, faalafi ai ni tagata mai fafo ae ou te talitonu afai e lafi se terorisi i inei e sau i le po ae iloa i le ao, pe foi mai tatou o e ave i ai se oso e toto se tiapula ae oo atu i le isi aso ua le toe fia terorisi. O le ituaiga mea lena o lea e tapena i ai le tatou Matagaluega aua i le faitau i le Tulafono Tau Faaofi, e silia i le 14 aiaiga faava o Malo conventions on terrorism o lea foi ua i ai tatou. O lona uiga o manaoga o nei aiaiga faava o Malo ina ia tataua ona fai se tatou Tulafono aemaise lava ia mafai lea ona tatou toe faafoia ni tagata e ono oo mai i inei ma faalalafi i inei ma faatupu ni faalavelave i inei, aua e le mafai ona toe alofia Samoa, aemaise lava la i le alo atu o tatou i taligamalo lea ua fotuai mai i le faaiuga o le tausaga. O i la e ono faatupulaia ai ni tagata ma ni faalavelave faapea ona o lea o le a malaga mai i Samoa tagata maualuluga o le lalolagi, tagata iloga i le taitaiga o le lalolagi, o i la e ono omai ai ma tagata faapenei ina ia faia ni uiga faapenei, e le o tatou a o tagata nei o o latou atunuu. O i la e aoga ai le Tulafono Tau Faaofi lenei e le gata i totonu lava o Samoa aemaise lava i vaega taua i le malae vaalele ma vaa aemaise foi le vaega lea o le Immigration. E le gata i leoleo a o vaega tonu ia e tataua ona ave i ai le faamuamua i le aoaoina ina ia tapena i vaega nei, aua e pei ona saunoa le sui usufono ua mavae atu nei, e pei o vaega ia. Ou te talitonu e le faatoa faia mai ni fono tetele i Samoa, e uiga ese le tulaga o le fono lenei a o lea ua leva ona galulue le tatou Matagaluega ma alii leoleo mai Niu Sila ma Ausetalia ina ia tapenaina i mea faapea aua e le o ni mea e masani ai tatou, e le o ni mea fou, but it's a global threat e aafia ai tatou. O lona uiga e tataua ona tatou tapena i ai i vaega uma nei aemaise le tuuina mai o

le Tulafono Tau Faaofi ina ia tatou malilie ai faatasi ma atunuu uma o lo o i lalo o Malo Afaatasi ina ia tatou mulimulitaia ma usitaia Tulafono faava o Malo pe a oo ina tulai mai tulaga faapenei.

E momoli foi lau faamalo i le Matagaluega o Leoleo i lenei vaitami o lea ua loaloa aso e le o i ai se isi e patino i ai le taitaiga o le Matagaluega, aepeitai ua maitauina le tele o suiga lelei o lo o tulai mai nei i le taumafai foi a nai nei tamalii o lo o i ai i lenei vaitau. O lea foi ua saunoa le Minisita ma ave le faamalo, ia e manaia foi le igoa fou lea ua i ai le Ofisa o Leoleo ua le CEO ae CIO, Commander-in-Chief e aoga foi atonu o se igoa lelei lea e ave i ai ina ia siitia ai foi le latou auunaga.

I le Tulafono Tau Faaofi lava latou lau Afioga i le Minisita, e leai se isi o tatou e fia alu ese ai ma lenei Tulafono. E lei leva foi i le tausaga na tea nei na tatou pasia ai le Tulafono o Meatau, Plastic Explosion, ma isi ituaiga meatau. O mea uma lava nei ma Tulafono ia e fau faatasi ina ia mafai e tatou ona puipuia o tatou tagata mai tulaga faapenei. A o le mea e ave i ai le faamuamua lau Afioga, ina ia lava tapena i latou le front line o i latou ia o lea o le a nafa ma galuega aua e i ai lava le potu faapitoa e tataua ona malamalama i ai latou nei, aua o tagata nei o la e sau pei o le tagata asiasi maimoa mai, ae ua tatou vaai i ai e ese le mea e sau e faatino. E faigata foi ona iloa sei vagana ua i ai ni special training ia te outou aemaise cooperation ma isi atunuu i fafo o lo o lava ai le tomai ma i ai latou metotia e iloa ai ituaiga tagata faapenei.

Ae faafetai mo le tapenaga aua e aoga tele le sauni o i tatou, e le gata mo le fonu ae o le agai i le lumanai o Samoa ina ia malupuipuia i tatou mai nei faiga e le lelei e faatamaia ai le nofo filemu o o tatou tagata. Ma le faaaloalo lava faafetai.

**FOFOGA FETALAI:** Malo faafetai, o le a avatu le avanoa mulimuli i se tasi o sui usufono mo Falealili, Tofa Tusa Misi Tupuola, ona tali ai lea o le Minisita ma faasolo ai le Tulafono Tau Faaofi.

**Tofa TUSA MISI TUPUOLA (Falealili):** Faafetai tele i lau Afioga i le Fofoga Fetalai mo se avanoa foi o lenei sui usufono. O lea foi ua i luma o le Atua le viiga ma le faafetai e pei ua maea ona e siitia i le taimi ua fano. O le agaga fiafia lea aua o lo o malutia pea le soifua o lau Afioga ma le mamalu o le Palemene i aao alofa o le tatou Matai i le lagi.

A ou te tulai atu ma le agaga faaaloalo e fia fai foi se manatu i lenei Tulafono Tau Faaofi taua ua talanoaina nei i luma o le Palemene a le Malo o Samoa. O le soifua tapenapena nei mo a taeao, o lou lea talitonuga i le uiga o lenei Tulafono Tau Faaofi. O le Tulafono Tau Faaofi o lea ua taumafai nei e tapena mo le aso ina ia manuia Samoa mo a taeao.

Ou te momoli atu lau faafetai tele i lau Afioga i le Minisita mo Leoleo ona o se tofa ua ae i lau Afioga i le Minisita ma le mamalu o le Matagaluega ona o lenei Tulafono Tau Faaofi. Ua leva ona ou vaai i le Tulafono Tau Faaofi lenei i totonu o le Palemene i le la tausaga, ae ona o le taua tele, o lea ua mafai ai ona soalaupuleina e le Palemene i lenei taeao. Ae momoli atu le agaga faafetai, manaia lau saunoaga i lenei taeao i le faamalamalamaina o le tatou Tulafono Tau Faaofi, o le taofiofia lea o faiga faaterorisi e oo mai i totonu o le atunuu. E moni ai saunoaga ua mavae, o Samoa lava ia o le atunuu filemu, o le atunuu e talimalo lelei, o le atunuu e agalelei i so o se tagata e tafafao mai fafo, ae vagana lava le tatou puipuia o mea tutupu o le a mafai ona ofi



mai i totonu o le atunuu, e auala mai i le malae vaalele i Faleolo ma le malae vaalele i Fagalii, o tatou uafu. O mea uma na e ona oo mai ai tulaga faaterorisi i totonu o le atunuu, a o mea ia ou te iloa ua matua mafatotoga ai le Matagaluega o Leoleo aemaise foi nisi o Matagaluega e pei o le malaevaalele, o le uafu, o le Matagaluega o Faatoaga, o Auaunaga o Tinei Mu ma isi Matagaluega e pei o le Soifua Maloloina, o i latou ia ou te talitonu ua maea aoaoina aua foi le tapenaga o le taligamalo a le tatou atunuu ia Setema i lenei tausaga.

E le tele se manatu lau Afioga, ae na pau lava o nai fautuaga e tuuina atu i lau Afioga ma le Pulega ma le Matagaluega i le faatinoga o tatou galuega faa security aua ua fai foi si loa o galue i le Matagaluega o Leoleo i la tausaga ua mavae, ae pei o le agaga lava lea e masani ona tupu o le vevesi, soona vevesi i le taimi o operations e fai, ona tulai mai foi lea o nisi mau vesiaiga ma nisi mau faamatalaga sese, ae a toatoa malie lava ma faatino lelei fuafuaga e pei ona i ai lenei Tulafono Tau Faaofi, ou te iloa lava e leai se mea e ono gase. Ae o lena ua silafia lelei e lau Afioga le taitai o le komiti o security mo le SIDS, na o nai fautuaga e tuuina atu pea i luma o lau Afioga ma le mamalu o le Matagaluega, aemaise foi le faaaogaina o le malosi. Aua a ova foi le faaaogaina o le force po o le faatinoga o le latou galuega, o i ina foi e ono tulai mai ai nisi fuafuaga ma nisi faaletonu i le faaiuga o le latou galuega.

A o le agaga faafetai o lenei itumalo ma lenei sui usufono ina ia tatou tatolo pea ia fesoasoani atu le Alii, aua foi fuafuaga ma galuega o fuafua nei, e leai lava se mea e mafai ona faia e tatou pe a aunoa ma le fesoasoani mai o le Atua. O nai motugaafa na lau Afioga, ia manuia tele le Fonotaga a le Palemene i lenei aso. Ma lou faaaloalo tele, faafetai.

**FOFOGA FETALAI:** Malo faafetai. Tulai mai lau Afioga i le Minisita e talifuaitea ona faagasolo ai lea o le tatou Tulafono.

**Afioga Hon SALA FATA LISATI PINATI:** Ou te momoli atu le agaga faafetai i sui usufono sa fautua mai ma aumai foi timaiga foi e tusa ai ma le tapenaga o Samoa nei aua le usugafono a Malo. O le a ou amata atu ia i le tulaga lea – o le tapenaga ua i ai nei, e i ai lava foi lea mea o le faatupu faalavelave po o latou e ulufale mai faaterorisi. Ua i ai le tapenaga ua uma ona faatulaga, ma ua faatulaga i ona itu nei; o tagata ia ua taua o specialist crew i le arms offenders, o i latou nei e feoi ma mea foi nei aua le puipuiga. Ua i ai foi le vaega lea o le search and rescue, ua lava tapena foi. O le gataifale ma le vaaiga o le uafu i le diving crew ua i ai foi, ua uma ona tapena. Ua ofoina mai foi e Amerika le latou fesoasoani e ala ma ii le maritime surveillance a latou i le coast guard e petrol ina le gataifale o tatou i taimi a o i ai le crew ship lea aua le accommodation, faapea foi ma nisi o vaega mai Niu Sila, e toatele foi i latou ua ofo mai le latou fesoasoani. Ua i ai foi le special offenders arms crew mai Niu Sila o i latou na o le scrap faapitoa lava lea o le specialists ua ofoina mai le latou fesoasoani.

O ia vaega uma pei ona saunoa i ai le mamalu o sui usufono, e pei ona ou taua, na amata mai le tapenaga ia Setema o le tausaga na tea nei. E oo mai la i le aso, o lo o faapea lava ona mataitu galuega soosootauau a le Immigration, Airport Authority, Customs, SPA, Samoa Shipping Services, Samoa Shipping Corporation, atoa ai ma le isi mau anoanoai o Matagaluega ua latou aumaia lo latou tauau ina ia mama le avega e tauave e malu o le Malo. Mo le silafia o

lenei tapenaga, e le o faapea o faapaole, o se tapenaga out e talitonu ua tuu atoatoa i ai le 1000 pasene, e le 100 pasene, e 1000 pasene le malosiaga o alo ma fanau o lo o taumafai ina ia aua nei i ai se mea e ono tupu mai. Ma o le mau foi lea ma te avea, ia au ape ia minimize i ni faalavelave e ona tutupu mai, i fua o galuega, e galulue nuu ma afioaga, galulue faatasi pulenuu, le aumaga atoa ai ma leoleo i le vaaiga o lea afioaga ma lea afioaga i le faafeoaia o le motor gate o le a faapena ona feoi.

Ua taua faapea na o Apia nei o lo o i ai fuafuaga. E leai. Mo lo outou silafia e 24 itula o le aso, o le 24 na o itula o le aso e galulue ai i latou i le malae vaalele. Ua faapea foi ona ofo mai le afaigaluega a le Shipping, e 50 alo ma fanau sa aotauina i mea tau seila ma galuega tetele ua ofoina mai le latou fesoasoani i le galuega fai a alii ma tamaitai leoleo. Ua i ai foi le taavale o le armoured guard ua aumai Ausetalia, masalo e le o toe mamao ae taunuu mai, le taavale foi lea e faapea a tau ai le pulu e fiti. O le taavale la lena o lea o le a aumai, masalo o se taavale muamua foi lena o le a i ai i Samoa nei, sei vagana ai le United Nation po o i ai se latou taavale i inei, o le a faapena ona taunuu mai, ma ua i ai foi uila afi ma mea uma lava ua tapena mai aua la le motor gate ma mea uma lava ia ua tapena i ai.

**FOFOGA FETALAI:** Malie lau Afioga i le Minisita sei tuu atu le avanoa i le faauilavea a le sui usufono. Tulai mai lau Afioga i le sui usufono mo Faleata Sisifo.

**Tofa Lealailepule Rimoni Aiafi:** Faafetai lava mo le saunoaga a le Afioga i le Minisita. E fia malamalama la i le taavale lea, le armoured guard lea e aumai, pe uma faafoi, a o ai foi e faaaogaina aua o lea e tasi ae toatele tagata ia e omai. Ua ou popole i le saunoaga a le Afioga i le Minisita fai mai e 1000 pasene. Ia ua uma ona faatulaga mea o le lalolagi, a 100 pasene ua lava. A 1000 loa pasene, e pei ua le mautinoa po o le a tonu lea mea. Out e fia iloa la le armoured guard lea faamolemole.

**FOFOGA FETALAI:** Ia o lea ua maua le finagalo o le sui usufono. Ia, tulai mail au Afioga e faaauau le saunoaga.

**Afioga Hon SALA FATA LISATI PINATI:** Faafetai lava Lealailepule o le tautua. Lealailepule o le tamaloa faimea mafai o le faipule malosi mai Faleata. Faafetai.

Ua ou taua le 1000, o le a le mafuaaga. A lea ua avatu le agaga lea ina ia faamautu ma faamausali le Vaega lenei i le talitonuga, aumai lo outou faatuatuga ma le talitonuga ua atoa i ai le galuega. E leai se galuega, a o se faiva foi e le asa, e i ai lava faaletonu. A o le avatuina o se faamatalaga ina ia nofouta ma ia malamalama, o lea ua atoa i ai le taumafaiga a alo ma fanau. Ua tataua ona tatou fiafia, ua tataua ona tatou faapea ifo ia i latou o lo o faia le galuega i le ao ma le po, a o lo o tofafa pea le atunuu. O i latou nei o lo o tui le ola aua le puipuiga o Samoa. Ioe.

O le armoured guard, atonu o le agaga lea, aua o mea uma lava ia, atonu o tulaga ia, aua o tatou lava o se atunuu e vaivai si o tatou tamaoaiga, ae a lelei lava lou Commander in Chief, atonu e alu ai alu ai, e faapea mai Ausetalia i le AFB, ia tuu ia ma outou le taavale, oi leai e le o Ausetalia, e aumai Niu Sila. A faapea la e tuu le taavale lea ma tatou, ia o le a faamuamua lava ona

tietie ai le sui usufono mo Faleata Sisifo, o le a ma o e faataitai le taavale lea. Mo le faafofoga la a le mamalu o le Palemene, o le Airport, le sui usufono mo Gagaemauga Nu.2, ua i ai atoa lava mea uma. Ua aumai masini mai fafo, ua ofo mai a latou masini aua la le vaega lea o latou. E 24 itula o le a galulue ai le Immigration, le Cutom, atoa ai ma le Quarantine, Leoleo, ua i ai lava le special squad a leoleo, 24 hours e nofo a ii i sei maea lelei ona toe foi tagata ua autovaa mai, ona faatoa de-activate loa lea o le galuega fai a lou Malo ma ou tagata.

I le tulaga la lea o le kasa oona, tasi lea vaega ua faaoga i aim ea nei o taifau atamamai foi ia.

**FOFOGA FETALAI;** Malie lau Afioga i le Minisita, sei tuu atu le avanoa i le sui usufono mamalu mo Gagaemauga Nu.2.

**Tofa Levaopolo Talatonu:** Lau Afioga i le Fofoga Fetalai, na o sina mea lava lea e fia faamalamalama lau Afioga i le tulaga o airport, pe o le mean a o Faleolo lea e fai ai le auaunaga, nei faatauagavale lau Afioga i Fagalii, ae pei o i le isi tamai mea lea e faigofie ai ona sao mai ni tulaga faapena.

**FOFOGA FETALAI:** Tulai mail au Afioga i le Minisita.

**Afioga Hon SALA FATA LISATI PINATI:** Faafetai. Masalo ua misi la ia te au, e sao lava lea mea. So o se faiva lava e le asa ma se... e tatau lava ona i ai le ia e pisia ai le sami pe a alu le fagotaga. Ia, out e faamalulu atu, o Fagalii, e faapena foi Fagalii. E faapena foi la i le uafu, o le uafu ua galulue ai e pei foi ona ou taua, ua atoa i ai le Shipping, Immigration, Quarantine, SPA. Ana faapea e taga ona feoi i latou nei ma... out e masalo e tofu lava vaega uma ia ma le fana. Ia ae leaga e sa ia tatou ona feoi ma fana. A o le tulaga lena, o tatou uma ua malupuipuaia, o taimi uma lava. O le taimi lenei ua monitor lautele le atunuu. O ai lava le tagata e masalomia e ono tupu ai se faalavelave, ave loa lava. A le avea i uta i Tafaigata, ia avatu sei ou tilotilo muamua i ai pe a ni foliga ona fai ai lea o le faaiuga.

Ua i ai a tatou paaga lea i le statistics lea e taua e le sui usufono mo Gagaemauga Nu.2 i le malae vaalele. E pei lava foi ona ou taua, ua atoa i i tino o le tamaloa. O mea uma lava ua taumafai i ai le atunuu lenei ina ia saogalemu mea uma, o lea ua i ai uma lava, ua i ai foi le statistics i le pulega o mea uma nei. Po ua faamalieina lau fesili lau Afioga i le sui usufono mo Gagaemauga Nu.2? Faafetai tele lava i le uso.

**FOFOGA FETALAI:** Tulai mai le sui usufono mo Gagaemauga Nu.2.

**Tofa Levaopolo Talatonu:** Ou te tulai atu ma le agaga faaaloalo leai ua matua faamalieina, e 1000% o lou malie, ua matua e numera tasi lava i le mea lea ua i ai. E leai lava se isi Minisita vaeatu lau Afioga e tutusa ma lau Afioga.

**FOFOGA FETALAI:** Malo faafetai. Ua faaiu lau tali lau Afioga i le Minisita? Malo faafetai.

*Na faamaonia le lafo ma faitauina le Tulafono Tau Faaofi e Taofia ai Faiga Faaterorisi 2014 i lona faitauga faalua.*

**FOFOGA FETALAI:** Talu ai ua ou taulimaina le Tusi Faamaonia o le Tulaga Faanatinati ua maea ona sainia e Lana Afioga Mamalu O Le Ao o le Malo e uiga i le Tulafono Tau Faaofi lenei, o lea o le a alo atu loa le Fono Aoao i le iloiloga auiliili.

E tusa ai ma le Tulafono Tumau 102, e amata le Iloiloga Auiliili i le Fuaiupu 2.

**FUAIUPU 2: Faamatalaina o uiga o upu.**

*Faamaonia.*

**FUAIUPU 3: Faamatalaina o le uiga o gaoioiga faaterorisi.**

*Faamaonia.*

**FUAIUPU 4: Faalapotopotoga ua tusia e Malo Afaatasi e avea o faalapotopotoga ua faamaotiina.**

*Faamaonia.*

**FUAIUPU 5: Faaaliga manino e faapea o nisi faalapotopotoga o ni faalapotopotoga ua faamaotiina.**

*Faamaonia.*

**FUAIUPU 6: Suia po o le faaleaogaina o le faaaliga manino a le Palemia.**

*Faamaonia.*

**FUAIUPU 7: Iloiloga o faaaliga manino.**

*Faamaonia.*

**FUAIUPU 8: Talosaga ina ia faaleaogaina faaaliga manino.**

*Faamaonia.*

**FUAIUPU 9: Taulumaga.**

*Faamaonia.*

**FUAIUPU 10: Faalafiina o se tagata e faia se gaoioiga faaterorisi.**

*Faamaonia.*

**FUAIUPU 11: Tuuina atu o auupega i vaega terorisi.**

*Faamaonia.*

**FUAIUPU 12: Auai i se vaega terorisi.**

*Faamaonia.*

**FUAIUPU 13: Faafaigaluegaina o se tagata e avea o se sui o se vaega terorisi po o le auai i se gaoioiga faaterorisi.**

*Faamaonia.*

**FUAIUPU 14: Faapaina o pomu e terorisi.**

*Faamaonia.*

**FUAIUPU 15: Taumafaiga a terorisi e faapaina pomu.**

*Faamaonia.*

**FUAIUPU 16: Auai i faiga faapa pomu a terorisi ma le umiaina faasolitulafono o se mea papa matautia, ma isi tulaga faapena.**

*Faamaonia.*

**FUAIUPU 17: Ave faamalosia o tagata.**

*Faamaonia.*

**FUAIUPU 18: Taumafai e ave faamalosia po o le auai ai i le ave faamalosia o tagata.**

*Faamaonia.*

**FUAIUPU 19: Osofaiga faasaga i se tagata ua puipuia faava o malo.**

*Faamaonia.*

**FUAIUPU 20: Ulufale faasolitulafono i nofoaga ma fale o se tagata ua puipuia faava o malo.**

*Faamaonia.*

**FUAIUPU 21: Taumafai po o le auai i se osofaiga faasaga i se tagata ua puipuia faava o malo.**

*Faamaonia.*

**FUAIUPU 22: Tau faamatau i se osofaiga faasaga i se tagata ua puipuia faava o malo.**

*Faamaonia.*

**FUAIUPU 23: Faatupeina o gaoiga faaterorisi.**

*Faamaonia.*

**FUAIUPU 24:** Taumafai, auai ma isi tulaga faapena e faatupe ma lagolago gaioiga faaterorisi.

*Faamaonia.*

**FUAIUPU 25:** Tuuina atu o meatotino po o auaunaga i se vaega terorisi.

*Faamaonia.*

**FUAIUPU 26:** Tagofiaina o meatotino faaterorisi.

*Faamaonia.*

**FUAIUPU 27:** Aveina faagaoi taumafaiga ma isi tulaga faapena e aveina faagaoi.

*Faamaonia.*

**FUAIUPU 28:** Faaogaina o le Tulafono o Vaalele Sivili 1998.

*Faamaonia.*

**FUAIUPU 29:** Feaveaia faasolitulafono o meafaitino faaniukilia.

*Faamaonia.*

**FUAIUPU 30:** Mauaina faasolitulafono umia po o le faaaogaina ma isi tulaga faapena o meafaitino faaniukilia e aofia ai le taumafai auai ma faiga tau faamatau.

*Faamaonia.*

**FUAIUPU 31:** Faaaogaina o le Tulafono o le Ofisa o Tiute 1977.

*Faamaonia.*

**FUAIUPU 32:** Pomu palasitika matautia.

*Faamaonia.*

**FUAIUPU 33:** Malosiaga e ulufale ai.

*Faamaonia.*

**FUAIUPU 34:** Faiga faatupu vevesi i se malae vaalele.

*Faamaonia.*

**FUAIUPU 35:** Taumafai e fai se gaoioiga faatupu vevesi i se malae vaalele.

*Faamaonia.*

**FUAIUPU 36:** Faoa faamalosia o se vaa po o fausaga mautu.

*Faamaonia.*



**FUAIUPU 37:** Faaaogaina o vailaau niukilia kemikale po o isi vailaau oona i luga o se vaa po o fausaga mautu.

*Faamaonia.*

**FUAIUPU 38:** Pueina faapagota ma le faaooina atu.

*Faamaonia.*

**FUAIUPU 39:** Faaaogaina o lenei Vaega.

*Faamaonia.*

**FUAIUPU 40:** Faatonuga e pulea ai meatotino.

*Faamaonia.*

**FUAIUPU 41:** Faasilasilaga o faatonuga.

*Faamaonia.*

**FUAIUPU 42:** Fesuiaiga faaleaogaina po o le faamutaina o le aoga o le faatonuga.

*Faamaonia.*

**FUAIUPU 43:** E mafai e le Faamasinoga ona suia po o le faaleaogaina o se faatonuga.

*Faamaonia.*

**FUAIUPU 44: Taulumaga.**

*Faamaonia.*

**FUAIUPU 45: Faaaogaina o le Tulafono o Tupe Maua mai i soligatulafono 2007.**

*Faamaonia.*

**FUAIUPU 46: Faatonutonuina o le faaooina atu o meatotino.**

*Faamaonia.*

**FUAIUPU 47: Fetufaaiga o faamatalaga e faasino i vaega terorisi ma gaoioiga faaterorisi.**

*Faamaonia*

**FUAIUPU 48: Taofia o oloa e masalomia o meatotino faaterorisi.**

*Faamaonia.*

**FUAIUPU 49: O isi aiaiga faaopopo e uiga i le taofia i lalo o le fuaiupu 48.**

*Faamaonia.*

**FUAIUPU 50: Toe faafoiina atu o oloa na taofia i lalo o le fuaiupu 48.**

**Afioga TOEOLESULUSULU CEDRIC POSE SALESA SCHUSTER:**  
Lau Afioga i le Fofoga Fetalai.

**FOFOGA FETALAI:** Tulai mai le sui usufono mo Aana Alofi Nu 3.

**Afioga TOEOLESULUSULU CEDRIC POSE SALESA SCHUSTER:** Faamolemole lau Afioga i le Fofoga Fetalai o le ma le Fuaiupu 50 lea na e faitauina e faapea, o le Fuaiupu 51 e faaopoopoina i le vaitaimi e 7 aso i le Fuaiupu 48. Peitai ane, o lea e i totonu i le Tulafono o le Fuaiupu 50, po o le sao lea lau Afioga i le Fofoga Fetalai?

**FOFOGA FETALAI:** O le Fuaiupu 51 o le faaopoopoina o le vaitau e 7 aso i le Fuaiupu 48.

**Afioga TOEOLESULUSULU CEDRIC POSE SALESA SCHUSTER:** O lea na e taua o le Fuaiupu 50, lea na fesoasoani atu ai.

**FOFOGA FETALAI:** O lea ua maua le faasaoga e 48.

*Faamaonia le Fuaiupu 50.*

**FUAIUPU 51:** Faaopoopoina o le vaitaimi e 7 aso i le fuaiupu 48.

*Faamaonia.*

**FUAIUPU 52:** Puipuiga o nisi o oloa ua taofia i lalo o le fuaiupu 48.

*Faamaonia.*

**FUAIUPU 53:** Soligatulafono e faasino i nisi o oloa ua taofia.

*Faamaonia.*

**FUAIUPU 54:** Faaaogaina o le vaega v o le Tulafono o Soligatulafono 2013.

*Faamaonia.*

**FUAIUPU 55: Noataga o se kamupani.**

*Faamaonia.*

**FUAIUPU 56: Faaaogaina o lenei vaega.**

*Faamaonia.*

**FUAIUPU 57: Pueina faapagota ma le toe faafoi atu o se tagatanuu mai fafo ua masalomia.**

*Faamaonia.*

**FUAIUPU 58: Noataga e toe faafoi atu ai po o le molia faatulafono.**

*Faamaonia.*

**FUAIUPU 59: Puleaga faa-faamasinoga.**

*Faamaonia.*

**FUAIUPU 60: Maliega a le Loia Sili.**

*Faamaonia.*

**FUAIUPU 61: Malosiaga e faavaeina ai se komiti.**

*Faamaonia.*

**FUAIUPU 62: Tulafono Faatonutonu.**

*Faamaonia.*

**FUAIUPU 63: Soloia soloaiga ma mea faasaoina.**

*Faamaonia.*

**FUAIUPU 64: Teuteuga faatupulaia.**

*Faamaonia.*

**FAAMATALAGA**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono e taofia ai faiga faaterorisi 2014.**

*Faamaonia.*

*Na faagasolo le Tulafono Tau Faaofi e Taofia ai Faiga Faaterorisi 2014 e aunoa ma se Teuteuga.*

**TULAFONO TAU FAAOFI E TAOFIA AI FAIGA FAATERORISI  
2014 - faitauga faatolu**

**FOFOGA FETALAI:** Talu ai ona ua ou taulimaina le Tusi Faamaonia i le Tulaga Faanatinati ua maea ona sainia e Lana Afioga Mamalu o le Ao o le Malo e uiga i lenei Tulafono Tau Faaofi, o lea o le a alo atu loa le Fono Aoao mo lona faitauga faatolu.

Tulai mai lau Afioga i le Minisita o Leoleo ma Falepuipui.

**Afioga Hon SALA FATA LISATI PINATI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi e Taofia ai Faiga Faaterorisi 2014 i lona faitauga faatolu.*

*Faaluaina e le Minisita o Tupe ma le Minisita mo Galuega, Felauaiga ma Atinae Eseese.*

*Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.*

**FOFOGA FETALAI:** Ou te manatu o lea ua pasia lenei Tulafono Tau Faaofi taua, ma o le agaga faafetai e tuuina atu i le tatou Maota i lenei taeao. Malo le faamalolosi mai i le vaega muamua o le tatou Fonotaga. E manatu o lea ua tini tauao lenei Tulafono Tau Faaofi taua na tatou soalaupuleina, e momoli atu ai le faafetai tele. Ona ua tatou taunuu tonu i le tatou taimi malolo, o lea o le a faataaia ese Galuega, ae tatou agai sei fai se faatiliga malosi ona tatou toe omai foi lea e faaauau le tatou galuega e pei ona faatulagaina.

Ou te faasilasila atu o le a faataatia ese Taulumaga a le Fono Aoao Faitulafono mo lana malologa masani o le taeao.

*Na faataatia ese Taulumaga a le Fono Aoao mo lana malologa masani i le itula e 10.47 i le taeao ma toe faaauau i le itula e 11.20 i le taeao.*

**FOFOGA FETALAI:** E i ai le talitonuga o lea ua tatou taunuu mai i le vaega mulimuli o le tatou galuega i lenei aso. E momoli atu le agaga faafetai ma le faamalo le onosai mai i le paia o le tatou Maota. E talitonu foi ua maua lo outou malosi aua le tatou taumafagati na tatou feagai ai i lenei vaega o le taeao. Faafetai i le Atua i kalasia ua foi.

E faamalulu atu foi po o le a se taumafaiga vaivai ua tauaao i ai le Failautusi, na o sina mea e tali ai la outou sua e faaauau ai la tatou auaunaga aemaise o le tatou galuega e pei ona fuafuaina. E faia le tatou malologa ua maea ona pasia aloaia le Tulafono Tau Faaofi e Taofia ai Faiga Faaterorisi 2014 e le Fono Aoao.

## **TULAFONO TAU FAAOFI O MAVAEGA TAUSI 2014** **– iloiloga auiliili**

**FOFOGA FETALAI:** Talu ai ua ou taulimaina le Tusi Faamaonia o le Tulaga Faanatinati ua maea ona sainia e Lana Afioga Mamalu i Le Ao o le

Malo e uiga i le Tulafono Tau Faaofi lenei, o lea o le a alo atu loa le Fono Aoa mo le iloiloga auiliili.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i le Fuaiupu 2.

**FUAIUPU 2: Faamatalaina o uiga o upu.**

*Faamaonia.*

**FUAIUPU 3: Faaaogaina o le Tulafono.**

*Faamaonia.*

**FUAIUPU 4: O le uiga moni ma le i ai o se mavaega.**

*Faamaonia.*

**FUAIUPU 5: O manaoga mo le faavaeina o se mavaega.**

*Faamaonia.*

**FUAIUPU 6: O le ituaiga mavaega e mafai ona faavaeina.**

*Faamaonia.*

**FUAIUPU 7: Meatotino e mafai ona tausia i totonu o se mavaega.**

*Faamaonia.*

**FUAIUPU 8: O le tulafono talafeagai ma le malosiaga e sua ai lea tulafono.**

*Faamaonia.*

**FUAIUPU 9: Mataupu e faia e le tulafono faaiuga.**

*Faamaonia.*

**FUAIUPU 10: Tulaga aloaia ma le mafai ona faamalosia o se mavaega.**

*Faamaonia.*

**FUAIUPU 11: Puleaga faa-faamasinoga a le Faamasinoga.**

*Faamaonia.*

**FUAIUPU 12: Mavaega po o faatulagaga tau faasese.**

*Faamaonia.*

**FUAIUPU 13: Tagi po o se faaiuga mai atunuu i fafo e le mafai ona faamalosia.**

*Faamaonia.*

**FUAIUPU 14: Umi o le vaitaimi o se mavaega.**

*Faamaonia.*

**FUAIUPU15: Malosiaga o le faatupulaia o tupe maua ma tupe faamatuuina atu muamua faaaitalafu.**

*Faamaonia.*



**FUAIUPU 16: O tagata e mafai ona faamanuiaina ai ma le faamautinoaina o i latou.**

*Faamaonia.*

**FUAIUPU 17: Malosiaga e faaopoopo i ai ma le aveesea mai tagata e faamanuiaina ai ma ia faatulaga tagata e le aofia ai.**

*Faamaonia.*

**FUAIUPU 18: Aiaiga e le noatia ai.**

*Faamaonia.*

**FUAIUPU 19: Aia a vasega o tagata.**

*Faamaonia.*

**FUAIUPU 20: Aia a le tagata e faamanuiaina ai ma le faafoega o sea aia.**

*Faamaonia.*

**FUAIUPU 21: Tagata e pui puia.**

*Faamaonia.*

**FUAIUPU 22: Tagata e faamalosia.**

*Faamaonia.*

**FUAIUPU 23: O le aofaiga o tausī mavaega.**

*Faamaonia.*

**FUAIUPU 24: Tofiaina o tausī mavaega.**

*Faamaonia.*

**FUAIUPU 25: Taliaina o le faiga faatausi mavaega.**

*Faamaonia.*

**FUAIUPU 26: Avanoa i le tofiga tausī mavaega.**

*Faamaonia.*

**FUAIUPU 27: Faamavaega po o le aveesea o se tausī mavaega.**

*Faamaonia.*

**FUAIUPU 28: O le tofiga o le tausī mavaega ua tuua le galuega.**

*Faamaonia.*

**FUAIUPU 29: Tiute o tausī mavaega.**

*Faamaonia.*

**FUAIUPU 30: O le tiute ia faatino le tausiga ma tulaga agavaa.**

*Faamaonia.*

**FUAIUPU 31: Malosiaga o tupe teufaafaigaluega.**

*Faamaonia.*

**FUAIUPU 32: Sui sooupu.**

*Faamaonia.*

**FUAIUPU 33: Tagata ua filifilia ma tagata vaavaaia.**

*Faamaonia.*

**FUAIUPU 34: Tuutuuga o le tofiaina o tagata filifilia ma tagata vaavaaia.**

*Faamaonia.*

**FUAIUPU 35: Iloiloga o sui sooupu, tagata filifilia ma tagata e vaavaaia ma noataga mo le tofiaina o i latou.**

*Faamaonia.*

**FUAIUPU 36: Aafiaga o tausī mavaega ua sili atu o latou malosiaga.**

*Faamaonia.*

**FUAIUPU 37: O le tausī mavaega na o ia lava.**

*Faamaonia.*

**FUAIUPU 38: Tapulaa po o le tuusaunoaga o malosiaga ua faaee atu e fuaiupu 32-36 ma le fuaiupu 40-42.**

*Faamaonia.*

**FUAIUPU 39: Mavaega o i ai i le taimi nei.**

*Faamaonia.*

**FUAIUPU 40: Totogi ma tupe faaaoga a le Tausi Mavaega.**

*Faamaonia.*

**FUAIUPU 41: Totogi ma tupe faaaoga a sui sooupu, tagata filifilia ma tagata e vaavaaia.**

*Faamaonia.*

**FUAIUPU 42: Inisiua.**

*Faamaonia.*

**FUAIUPU 43: Tusi po o se faamatalaga otooto o manaoga.**

*Faamaonia.*

**FUAIUPU 44: E mafai ona galue ni tausī mavaega ua tuufaatasia faaletulafono e ala i se faaiuga.**

*Faamaonia.*

**FUAIUPU 45: Malosiaga faaagaga i se tagata e faatulagaina meatotino e faaliliuina atu.**

*Faamaonia.*

**FUAIUPU 46: Malosiaga faaagaga i se tagata e puipuia.**

*Faamaonia.*

**FUAIUPU 47: Faatonuga ua faatonuina.**

*Faamaonia.*

**FUAIUPU 48: Faatulagaga o Mavaega Tausi Faapitoa Faava o Malo a Samoa.**

*Faamaonia.*

**FUAIUPU 49: Faamatalaina o uiga o upu.**

*Faamaonia.*

**FUAIUPU 50: Faamoemoe autu o le fuaiupu 51.**

*Faamaonia.*

**FUAIUPU 51: O sea lautogia.**

*Faamaonia.*

**FUAIUPU 52: Tiute o le Tausi Mavaega e faasino i sea lautogia.**

*Faamaonia.*

**FUAIUPU 53: Tapulaa i malosiaga o le Tausi Mavaega.**

*Faamaonia.*

**FUAIUPU 54: Aiaiga e faasino i faatonu.**

*Faamaonia.*

**FUAIUPU 55: Faauilavea a se Tausi Mavaega i tulaga tau pulega i tulaga aliae mai ua faatonuina.**

*Faamaonia.*

**FUAIUPU 56: Malosiaga e faaleaogaina ai sea lautogia.**

*Faamaonia.*

**FUAIUPU 57: Faamalosia.**

*Faamaonia.*

**FUAIUPU 58: Malosiaga o le Faamasinoga e poloaia ai le faaleaogaina.**

*Faamaonia.*

**FUAIUPU 59: O tagata e faamanuiaina e le agavaa.**

*Faamaonia.*

**FUAIUPU 60: O le tauleagavaaina o se tausī mavaega i le avea ai ma faatonu.**

*Faamaonia.*

**FUAIUPU 61: Faamautinoa o manaoga o le tagata e faatulagaina meatotino e faaliliuina atu.**

*Faamaonia.*

**FUAIUPU 62: Tapulaa o tiute o se tausī mavaega.**

*Faamaonia.*

**FUAIUPU 63: Tuufaatasia o se mavaega ma se faiga faapaaga faatapulaaina.**

*Faamaonia.*

**FUAIUPU 64: Mavaega Puipuia.**

*Faamaonia.*

**FUAIUPU 65: Mavaega o Foai Faameaalofa.**

*Faamaonia.*

**FUAIUPU 66: Mavaega mo Faamoemoega Faapitoa.**

*Faamaonia.*

**FUAIUPU 67: Tausi Mavaega.**

*Faamaonia.*

**FUAIUPU 68: Tapulaa i noataga o le Tausi Mavaega – tulaga saoloto mai tuuaiga.**

*Faamaonia.*

**FUAIUPU 69: Maliega faamatuu atu po o le faasilasilaga a le faamanuiaina ai.**

*Faamaonia.*

**FUAIUPU 70: Puipuiga o le soliga o se mavaega.**

*Faamaonia.*

**FUAIUPU 71: Faiga e foia ai mo le soliga o se mavaega.**

*Faamaonia.*

**FUAIUPU 72: Tauai pe afai e le o solia aiaiga o le mavaega.**

*Faamaonia.*

**FUAIUPU 73: Tagata e puipuia.**

*Faamaonia.*

**FUAIUPU 74: Tagata e Faamalosia.**

*Faamaonia.*

**FUAIUPU 75: Fesuaiga ma le faaleaogaina.**

*Faamaonia.*

**FUAIUPU 76: Le mafaia po o le faamutaina o le aia.**

*Faamaonia.*

**FUAIUPU 77: Faamutaina.**

*Faamaonia.*

**FUAIUPU 78: Feaveaiga.**

*Faamaonia.*

**FUAIUPU 79: Mavaega i atunuu i fafo.**

*Faamaonia.*



**FUAIUPU 80: Tulaga agatapuia ma le tuuina atu o faamatalaga.**

*Faamaonia.*

**FUAIUPU 81: Talosaga ma malosiaga o le Faamasinoga.**

*Faamaonia.*

**FUAIUPU 82: Totogiina o Tau.**

*Faamaonia.*

**FUAIUPU 83: Uiga moni o aia a se Tausi Mavaega.**

*Faamaonia.*

**FUAIUPU 84: Tuliloaina o meatotino o se mavaega.**

*Faamaonia.*

**FUAIUPU 85: Gaumativa o tausi mavaega.**

*Faamaonia.*

**FUAIUPU 86: Puipuiga mo tagata o feagai ma tausi mavaega.**

*Faamaonia.*

**FUAIUPU 87: Tapulaa ma mea ua faatonuina.**

*Faamaonia.*

**FUAIUPU 88: Mavaega faatulagaina lelei.**

*Faamaonia.*

**FUAIUPU 89: Tulafono Faatonutonu.**

*Faamaonia.*

**FUAIUPU 90: Teuteuga faatupulaia.**

*Faamaonia.*

**FUAIUPU 91: Soloia, aiaiga tau soloaiga ma aiaiga faasaoina.**

*Faamaonia.*

**FAAMATALAGA.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono o Mavaega Tausi 2014.**

*Faamaonia.*

*Na faagasolo le Tulafono Tau Faaofi o Mavaega Tausi 2014 e aunoa ma se Teuteuga.*

**TULAFONO TAU FAAOFI O MAVAEGA TAUSI 2014  
- faitauga faatolu**

**FOFOGA FETALAI:** Talu ai ua ou taulimaina le Tusi Faamaonia o le Tulaga Faanatinati ma ua maea foi ona sainia e Lana Afioga Mamalu O Le Ao o le Malo, o lea o le a alo atu loa lo tatou Maota mo le faitauga faatolu o le Tulafono Tau Faaofi.

Tulai mai lau Afioga i le Minisita o Tupe.

**Afioga Hon FAUMUINA TIATIA FAAOLATANE LIUGA:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Mavaega Tausi 2014 i lona faitauga faatolu.*

*Faaluaina e le Sui Palemia, le Minisita mo Tupe Maua ma le Minisita mo Fesootaiga ma Faamatalaga Tekonolosi.*

*Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Fono Aoao Faitulafono.*

**TULAFONO TAU FAAOFI O TEUTEUGA O LE TULAFONO O  
KAMUPANI FAAVA O MALO 2014 – iloiloga auiliili**

**FOFOGA FETALAI:** Talu ai ua ou taulimaina le Tulafono Faamaonia o le Tulaga Faanatinati ua maea ona sainia e Lana Afioga Mamalu O Le Ao o le Malo e uiga i le Tulafono Tau Faaofi lenei, o lea o le a alo atu loa le Fono Aoao mo le iloiloga auiliili.

E tusa ai ma le Tulafono Tumau 102 e amata le Iloiloga Auiliili i le Fuaiupu 2.

**FUAIUPU 2: Ua suia ai le Fuaiupu 39 ma le 39A.**

*Faamaonia.*

**FUAIUPU 3: Ua teuteuina le Fuaiupu 113.**

*Faamaonia.*

**FUAIUPU 4: Soloia ma teuteuga faatupulaia.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Kamupani Faava o Malo 2014.**

*Faamaonia.*

*Na faagasolo le Tulafono Tau Faaofi o Teuteuga o le Tulafono o Kamupani Faava o Malo 2014 e aunoa ma se Teuteuga.*

**TULAFONO TAU FAAOFI O TEUTEUGA O LE TULAFONO O  
KAMUPANI FAAVA O MALO 2014 – faitauga faatolu**

**FOFOGA FETALAI:** Talu ai ua ou taulimaina le Tusi Faamaonia o le Tulaga Faanatinati ua maea ona sainia e Lana Afioga Mamalu O Le Ao o le Malo e uiga i le Tulafono Tau Faaofi lenei, o lea o le a alo atu loa le Fono Aoao mo le faitauga faatolu.

Tulai mai lau Afioga i le Minisita o Tupe.

**Afioga Hon FAUMUINA TIATIA FAAOLATANE LIUGA:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o Kamupani Faava o Malo 2014 i lona faitauga faatolu.*

*Faaluaina e le Minisita mo Tupe Maua ma le Minisita mo Fesootaiga ma Faamatalaga Tekonolosi.*

*Na faamaonia le lafo ma faitauina le Tulafono Tau Faaofi i lona faitauga faatolu ma faapea ona pasia le Tulafono Tau Faaofi.*

**TULAFONO TAU FAAOFI O APERENITISI 2014  
– iloiloga auiliili**

**FOFOGA FETALAI:** E tusa ai ma le Tulafono Tumau 106, e tataua ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi lenei.

Tulai mai le Afioga i le Taitaifono o le Komiti o Galuega, Felauaiga ma le Siosiomaga.

**Tofa TUSA MISI TUPUOLA (Taitaifono o le Komiti o Galuega, Felauaiga ma le Siosiomaga):** Lau Afioga i le Fofoga Fetalai ma le mamalu o le Maota, ou te tulai atu ma le faaaloalo e faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Aperenitisi 2013 faatasi ma le Faasaoga ma Teuteuga.*

*Faaluaina e le sui usufono mo Palauli.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti o Galuega, Felauaiga ma le Siosiomaga i le Tulafono Tau Faaofi o Aperenitisi 2013. O le a sagai atu loa le Fono Aoao i le Iloiloga Auiliili o le Tulafono Tau Faaofi o Aperenitisi 2013.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Faamatalaina o uiga o upu.**

*Faamaonia.*

**FUAIUPU 3: O le Tulafono e noatia ai le Malo.**

*Faamaonia.*

**FUAIUPU 4: Faavaeina o le Fono.**

**FOFOGA FETALAI:** O lo o i ai le Teuteuga a le Komiti i le Fuaiupu 4(2)(g) e pei ona faaalua i le Pepa Faaopoopo o Galuega. Tulai mai lau Afioga i le Taitaifono o le Komiti.

**Tofa TUSA MISI TUPUOLA:** Lau Afioga i le Fofoga Fetalai ou te faatu le Teuteuga i le Fuaiupu 4(2)(g) e faapea:

**“TEUTEUGA:**

*Ia aveese le (g) o lo o i ai ma suia i le (g) fou e faapea:-*

**“(g) toatasi (1) sui auai o ia lea o se tagata o lo o umia se Tusi Paia Faamaonia o Polokalame Faa-Aperenitisi a Samoa, e fai ma sui o tagata faigaluega mai le matata faa-aperenitisi”.**

*Faamaonia le Teuteuga.*

*Faamaonia le Fuaiupu 4 e pei ona Teuteuina.*

**FUAIUPU 5: Sui e tofia e suitulaga o le Fono.**

*Faamaonia.*

**FUAIUPU 6: Avanoa i tofiga o sui auai.**

*Faamaonia.*

**FUAIUPU 7: Fonotaga a le Fono.**

*Faamaonia.*

**FUAIUPU 8: Totogifuapauina ma alauni o le Fono.**

*Faamaonia.*

**FUAIUPU 9: Galuega tauave a le Fono.**

*Faamaonia.*

**FUAIUPU 10: Malosiaga o le Fono.**

**FOFOGA FETALAI:** O lo o i ai le Teuteuga a le Komiti i le Fuaiupu 10(3) e pei ona faaalai i le Pepa Faaopoopo o Galuega.

Tulai mai lau Afioga i le Taitaifono o le Komiti.

**Tofa TUSA MISI TUPUOLA:** Lau Afioga i le Fofoga Fetalai ou te faatu le Teuteuga i le Fuaiupu 10(3) e faapea:-

**“TEUTEUGA:**

*Ia aveese upu “i se Komisi Faamasino” o lo o aliai mai ina ua tuanai le upu “aloaia” a o lumanai le upu “ma” ma suia i upu “i le Fono” ma faitauina ai le (3) e faapea:-*

**“(3) I le noatia ma le fai fuafua i le faafuaiupu (4), so o se tagata o ia lea, i le tuanai ai ona samania pe poloaia e oo atu i luma o le Fono po o, e tuuina atu so o se tusi, pepa, tusitusiga, po o pepa aloaia i le Fono ma:”**

*Faamaonia le Teuteuga.*

*Faamaonia le Fuaiupu 10 e pei ona Teuteuina.*

**FUAIUPU 11: Malosiaga o le Ofisa Sili o Pulega e faia ai asiasiga.**

*Faamaonia.*

**FUAIUPU 12: Faaaliga manino o matata faa-aperenitisi.**

*Faamaonia.*

**FUAIUPU 13: Malosiaga e faia ai taiala.**

*Faamaonia.*

**FUAIUPU 14: Mataupu ia e mafai ona faia ai taiala.**

*Faamaonia.*

**FUAIUPU 15: Laulau a Fono o Faufautua o Matata Eseese.**

*Faamaonia.*

**FUAIUPU 16: Soa komiti.**

*Faamaonia.*

**FUAIUPU 17: Talosaga mo le faamaoniga e faafaigaluega tagata aperenitisi.**

**FUAIUPU 18: Taliaina i polokalame faa-aperenitisi.**

**Tofa LEALAILEPULE RIMONI AIAFI:** Lau Afioga i le Fofoga Fetalai....

**FOFOGA FETALAI:** O fea le Fuaiupu le sui usufono mo Faleata Sisifo?

**Tofa LEALAILEPULE RIMONI AIAFI:** O le Fuaiupu 17 ma le Fuaiupu 18 lau Afioga.

**FOFOGA FETALAI:** O le Fuaiupu 17, o lo o taua mai i ina le malosiaga o le Minista e override ai, na te suia ai se faaiuga a le Council. Ia manatua foi o le Council o lea e Taitaifono ai le Ofisa Sili o Pulega o le Matagaluega. O le mea la lea o lea e fesili ai, o le Minisita ma le Ofisa Sili o Pulega o le Matagaluega e galulue faatasi. Pe le ono atagia ai i ina se conflict of interest i le va lea.

O le Fuaiupu 18 lo o faapea mai, sei vagana ua atoa le 18 tausaga o le tagata faatoa talia e avea ma faa-aperenitisi. Mo le silafia e lau Afioga ma le mamalu o le Maota, o le tele o tamaiti ua vave aoga, a o le toatele la e ua oo i le Iunivesite faatoa tai 17. Ia, ae aisea ua tapulaa ai i le 18, ae leai se fetuutuunai, se feasibility i ina mo i latou ua vave a latou aoga, aemaise i latou ua oo i le tausaga 12, aua o lea e faapea mai mo i latou ua aulia le

tausaga 12. O le tele o tamaitai e oo i le tausaga 12 o lena e laiti tausaga, 17 ma le 16. Ia ma le faaaloalo lava.

**FOFOGA FETALAI:** Tulai mai lau Afioga i le Taitaifono.

**Tofa TUSA MISI TUPUOLA:** Lau Afioga i le Fofoga Fetalai, o le mataupu lea pei ona fesiligia e le sui usufono mamalu i le Fuaiupu 17, o lena e malamalama lava tatou Tulafono Autu e pei ona i ai i luma o le Maota. O le faaupuga o le Tulafono lena o lo o i ai, e pei e feutagai lelei lava le Minisita ma le Ofisa Sili o Pulega i le tulaga o le taliaina o lea lipoti ma tagata faigaluega ae le faapea o le a faia toatasi i se pule a le fono atoa ma le Taitaifono. Ma le faaaloalo.

O le Fuaiupu 18 lea e pei ona saunoa i ai le sui usufono mamalu, o le tulaga lava lena o le Tulafono Tau Faaofi e pei ona i ai, o le matua lava lea e 18 tausaga e pei ona aumai, e fua foi i le tulaga o tusipasi faa-aperenitisi ma le faatinoina o latou feau ma galuega pei ona feagai ai lau Afioga.

Ma le faaaloalo.

**Tofa LEALAILEPULE RIMONI AIAFI:** Lau Afioga, afai o le tali lea a le Taitaifono, ua ou malie foi i ai, ae o lea e moomia se faamalamalamaga a o lea ua toe tali mai i luga o le Tulafono Tau Faaofi. Ae le afaina, aua e tataua ona i ai se fetuutuunai i le tulaga o le Tulafono Tau Faaofi aua e fua i le matua o le tagata, aemaise foi o le fesootaiga lea a le Taitaifono ma le Minisita, ae le afaina pe afai o le tulaga lea ma le faaaloalo lava.

**FOFOGA FETALAI:** Ia, lafo ia lou faatuatuaga le sui usufono mo Faleata Sisifo, ou te manatu o lo o i le Minisita ma le Ofisa Sili o Pulega o le Matagaluega le tofamamao e fesiligia ai ae o lea ua faamauina e le Taitaifono lou atugaluga.

*Faamaonia le Fuaiupu 17 ma le Fuaiupu 18.*

**FUAIUPU 19: Suesuega faafomai o tagata aperenitisi.**

*Faamaonia.*

**FUAIUPU 20: Noataga lautele o tagata e ona galuega.**

*Faamaonia.*

**FUAIUPU 21: Noataga lautele o tagata aperenitisi.**

*Faamaonia.*



**FUAIUPU 22: Tiute tauave o tagata e ona galuega le faailoa atu.**

*Faamaonia.*

**FUAIUPU 23: Ia tausia faamaumauga e tagata e ona galuega.**

*Faamaonia.*

**FUAIUPU 24: Ia tuuina atu e tagata e ona galuega faamatalaga i le Fono i tausaga taitasi.**

*Faamaonia.*

**FUAIUPU 25: Tusi Resitala o Polokalame Faa-Aperenitisi a Samoa.**

*Faamaonia.*

**FUAIUPU 26: Konekarate o polokalame faa-aperenitisi.**

*Faamaonia.*

**FUAIUPU 27: O le tulaga lautele lea e noatia ai se konekarate.**

*Faamaonia.*

**FUAIUPU 28: Ia faatoai atu konekarate mo le faamauina.**

*Faamaonia.*

**FUAIUPU 29: Tusi resitala o konekarate ma le faamauina.**

*Faamaonia.*

**FUAIUPU 30: Tuuina atu o ata o konekarate.**

*Faamaonia.*

**FUAIUPU 31: Umi o le taimi o le konekarate.**

*Faamaonia.*

**FUAIUPU 32: Vaitaimi e galue e vaavaaia ai.**

*Faamaonia.*

**FUAIUPU 33: Faaopoopoga o vaitaimi o konekarate.**

*Faamaonia.*

**FOFOGA FETALAI:** Ia, ua tau leai se leo o le tatou Ioe le Maota. Onosai mai o lea o le a uma le tatou galuega o lenei aso.

**FUAIUPU 34: Faaititiga o le vaitaimi o konekarate.**

*Faamaonia.*

**FUAIUPU 35: Faaliliuina atu o konekarate.**

*Faamaonia.*

**FUAIUPU 36: Faamutaina o konekarate.**

*Faamaonia.*

**FUAIUPU 37: Ia toe faaola e le tagata aperenitisi totogifuapauina sa totogi e le tagata e ona le galuega.**

*Faamaonia.*

**FUAIUPU 38: Ia faigaluega ma aoaoina tagata aperenitisi i se tagata e toatasi e ona galuega.**

*Faamaonia.*

**FUAIUPU 39: Totogi o tagata aperenitisi.**

*Faamaonia.*

**FUAIUPU 40: Tusi Paia Faamaonia o Polokalame Faa-Aperenitisi a Samoa.**

*Faamaonia.*

**FUAIUPU 41: O isi tusi pasi faamaonia.**

*Faamaonia.*

**FUAIUPU 42: Ata o tusi pasi faamaonia.**

*Faamaonia.*

**FUAIUPU 43: O soligatulafono e faasino i le faaaogaina e aunoa ma se faatagaga po o le tagofiaina o se tusi pasi faamaonia.**

*Faamaonia.*

**FUAIUPU 44: Talosaga tetee.**

*Faamaonia.*

**FUAIUPU 45: Talosaga tetee ua faaleaogaina.**

*Faamaonia.*

**FUAIUPU 46: Ia le faaitiitia e le tagata e ona galuega totogi, ma isi mea faapena.**

*Faamaonia.*

**FUAIUPU 47: Soligatulafono.**

*Faamaonia.*

**FUAIUPU 48: Faasalaga.**

*Faamaonia.*

**FUAIUPU 49: O le maliu o se paaga faapisinisi e le faamutaina ai le polokalame faa-aperenitisi.**

*Faamaonia.*

**FUAIUPU 50: Faamaapeina po o suiga ogaoga i sea umia o le Kamupani.**

*Faamaonia.*

**FUAIUPU 51: O le Minisita e fuafuaina totofiguapauina ma tau faaee atu.**

*Faamaonia.*

**FUAIUPU 52: E faamaonia e le Fono pepa faatumu.**

*Faamaonia.*

**FUAIUPU 53: Lipoti faaletausaga.**

*Faamaonia.*

**FUAIUPU 54: Faailoaina atu o faamatalaga.**

*Faamaonia.*

**FUAIUPU 55: Soloia.**

*Faamaonia.*

**FUAIUPU 56: Tulafono Faatonutonu.**

*Faamaonia.*

**FUAIUPU 57: Aiaiga Faasaina ma Aiaiga Tau Soloaiga.**

*Faamaonia.*

**FAAMATALAGA:**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono o Aperenitisi 2013.**

**FOFOGA FETALAI:** O lo o i ai le Faasaoga i le Fuaiupu 1 ma le Igoa e pei ona faaalai i le Pepa Faaopoopo o Galuega.

Tulai mai lau Afioga i le Taitaifono o le Komiti o Galuega, Felauaiga ma le Siosiomaga.

**Tofa TUSA MISI TUPUOLA:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:-

**“FAASAOGA:**

*Ia aveese le fuainumera “2013” ma suia i le fuainumera “2014” ma faitauina ai le Tulafono e faapea:-*

**Tulafono o Aperenitisi 2014.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Aperenitisi 2014 faatasi ma le Faasaoga.*

**TULAFONO TAU FAAOFI O TEUTEUGA O LE TULAFONO O  
ELEELE, FUAGAFANUA MA LE SIOSIOMAGA 2013  
– iloiloga auiliili**

**FOFOGA FETALAI:** E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai lau Afioga i le Taitaifono o le Komiti o Galuega, Felauaiga ma le Siosiomaga.

**Tofa TUSA MISI TUPUOLA:** Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2013 faatasi ma Teuteuga ma le Faasaoga.*

*Faaluaina e se tasi o sui usufono mo le Au Palota Taitoatasi, Afioga Maualaivao Pat Ah Him ma le sui usufono mo Palauli.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti o Galuega, Felauaiga ma le Siosiomaga i le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2013.

O le a sagai atu loa le Fono Aoao i le Iloiloga Auiliili o le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2013.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Fua o le aoga mo le fuafuaina o totogi o lisi toe faafou.**

**FOFOGA FETALAI:** Tulai mai le sui usufono mamalu mo Faleata Sasae.

**Tofa AVEAU TUALA LEPALE NIKO PALAMO:** Faafetai i lau Afioga i le Fofoga Fetalai. Ou te maitau atu i le Fuaiupu 2 lea pei e muamua ona ou talosaga i le Afioga i le Fofoga Fetalai i Tulafono Tau Faaofi nei o lo o ua suia ai Tulafono tuai, pe le mafai ona faapipii mai ai i autafa le mea lea ua aveese ina ia mafai ona silasila i ai sui usufono.

Ua ou fesiligia le mataupu lea e fua agai i sailiiliga a le Komiti. I lalo o le Fuaiupu lea e faapea mai o le a aveese le Fuaiupu 7 lea. Ae i lalo o sailiiliga a le Komiti lea e faapea mai tusa o le 5% ea lea e ave i le tagata lea o le a faafou lana lisi, lea e lisi i le 20 tausaga. O lea la e sau le Fuaiupu lea, pei o le a aveese le 5% lea a o lea o le a taumafai foi lea e fetuunai ma le o le a lisiina. O lo o sau foi i lalo i i e faapea; e faatau i tagata nei e lisiina i faletalimalo e tai miliona i luga atu. O lau fesili, o le a le value o le 5% lea o le a aveese mai lisi ia pe a faataatia?

O lau fesili lona lua, aisea le mea ua ala ai ona faatino na o vaega i luga atu, aua o tagata aupito sili ona moomia fesoasoani faapea, o tagata faipisinisi laiti lea e i lalo ifo o le miliona a latou atinae. O le a le mea ua ala ai ona tagai le Tulafono Tau Faaofi na o vaega maua luga faapea e ave i ai le faamamaavega lea, ae aisea foi ua manatu ai le Komiti ua tataua ona talia le aveeseina o le 5% lea ae o le a le value o le 5% lea o le a aveeseina i tupe maua a le Malo pe a faatino lea Tulafono Tau Faaofi. Ma le faaaloalo lava.

**FOFOGA FETALAI:** Malo faafetai. Ia, lau Afioga i le Taitaifono tulai mai.

**Tofa TUSA MISI TUPUOLA:** Lau Afioga ma le faaaloalo o le faafesili a le sui usufono mamalu, pei lava o le mea lea ua i ai nei taumafaiga a le tatou Malo ina ia taumafai e faaofi mai faletalimalo i totonu o le atunuu, a ua faafaigata ona ofi mai le tele o faletalimalo, ona ua fai si taugata laitiiti o le pasene lea o fuafuaga a le Malo ma i latou ia e fia autovaa mai e faatu faletalimalo tetele i totonu o le atunuu. O le ala la lea ua taumafai ai le tatou Tulafono Tau Faaofi lea ina ia faia se aiaiga e aveese, e pei ona silafia o lena ua aveese ai e le Komiti le tulaga o le Tulafono Tau Faaofi lea i le toe teuteuga lena a ia tuu ai se avanoa e mafai ai ona feutagai lelei le Malo ma i latou e autovaa mai i se tulaga pasene lelei nai lo le mea lea e i ai le Tulafono Tau Faaofi. Ma le faaaloalo.

**FOFOGA FETALAI:** Malo. E manatu ua manino ma malamalama le finagalo o le sui usufono.

*Faamaonia le Fuaiupu 2.*

### **FUAIUPU 3: Faaofiina o aiaiga fou.**

**FOFOGA FETALAI:** O lo o i ai le Teuteuga a le Komiti i le Fuaiupu 3 e pei ona faaalai i le Pepa Faaopoopo o Galuega.

Tulai mai lau Afioga i le Taitaifono o le Komiti.

**Tofa TUSA MISI TUPUOLA:** Lau Afioga i le Fofoga Fetalai ou te faatu le Teuteuga i le Fuaiupu 3 e faapea:-

#### **“TEUTEUGA:**

**75”(3)-** *Ia aveese upu “e i ai le uiga tutusa e pei ona i ai i le fuaiupu 7A(1) o le Tulafono o Lafoga o Tupe Maua 1974” o lo o aliali mai i le faaiuga o le (3), ma suia i upu “o lona uiga o se Faletalimalo ua lisiina atu i le Faatulagaga 1, Faatulagaga 2 po o le Faatulagaga 3 o Faletalimalo i totonu o le Vaega B(2) o le Faamatalaga 2 o le Tulafono o Lafoga o Tupe Maua 2012” ma faitauina ai le (3) e faapea:-*

**“(3) I totonu o lenei fuaiupu, “faletalimalo” o lona uiga o se Faletalimalo ua lisiina atu i le Faatulagaga 1, Faatulagaga 2 po o le Faatulagaga 3 o Faletalimalo i totonu o le Vaega B(2) o le Faamatalaga 2 o le Tulafono o Lafoga o Tupe Maua 2012”.**

Lau Afioga i le Fofoga Fetalai, o le mafuaaga autu o le Teuteuga lenei, ona o le Tulafono o Lafoga o Tupe Maua 1974 o lo o aliai mai i totonu o le Tulafono Tau Faaofi lenei ua soloia.

*Faamaonia le Teuteuga.*

*Faamaonia le Fuaiupu 3 e pei ona Teuteuina.*

### **FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono o Teuteuga o le Tulafono o Eleele, Fuagafanua ma le Siosiomaga 2013.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalai i le Pepa Faaopoopo o Galuega.

Tulai mai lau Afioga i le Taitaifono.

**Tofa TUSA MISI TUPUOLA:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:



**“FAASAOGA:**

*Ia aveese le fuainumera “2013” ma suia i le fuainumer “2014” ma faitauina ai le Igoa o le Tulafono e faapea:*

**Tulafono o Teuteuga o le Tulafono o Eleele, Fuagafanua ma le Siosiomaga 2014”.**

Ma le faaaloalo.

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2014 faatasi ma Teuteuga ma le Faasaoga.*

**TULAFONO TAU FAAOFI O TEUTEUGA O LE TULAFONO O PULE O VAEGA FANUA 2013 – iloiloga auiliili**

**FOFOGA FETALAI:** E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o Galuega, Felauaiga ma le Siosiomaga.

**Tofa TUSA MISI TUPUOLA:** Lau Afioga i le Fofoga Fetalai out e faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o Pule o Vaega Fanua 2013 faatasi ma le Faasaoga.*

*Faaluaina e le sui usufono mo Palauli, sui usufono mo Aiga i le Tai ma le sui usufono mo le Vaa o Fonoti.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti o Galuega, Felauaiga ma le Siosiomaga i le Tulafono Tau Faaofi o Teuteuga o le Tulafono o Pule o Vaega Fanua 2013.

O le a sagai atu loa le Fono Aoao i le Iloiloga Auiliili o le Tulafono Tau Faaofi o Teuteuga o le Tulafono o Pule o Vaega Fanua 2013.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Ua teuteuina le igoa umi.**

*Faamaonia.*

**FUAIUPU 3: Ua teuteuina le Fuaiupu 2.**

*Faamaonia.*

**FUAIUPU 4: Ua teuteuina le Fuaiupu 5.**

*Faamaonia.*

**FUAIUPU 5: Ua suia le Fuaiupu 6.**

*Faamaonia.*

**FUAIUPU 6: Ua suia le Fuaiupu 7.**

*Faamaonia.*

**FUAIUPU 7: Ua teuteuina le Fuaiupu 8.**

*Faamaonia.*

**FUAIUPU 8: Ua teuteuina le Fuaiupu 9.**

*Faamaonia.*

**FUAIUPU 9: Ua teuteuina le fuaiupu 10.**

*Faamaonia.*

**FUAIUPU 10: Ua suia le fuaiupu 11.**

*Faamaonia.*

**FUAIUPU 11: Ua teuteuina le fuaiupu 12.**

*Faamaonia.*

**FUAIUPU 12: Ua teuteuina le fuaiupu 14.**

*Faamaonia.*

**FUAIUPU 13: Ua teuteuina le fuaiupu 20.**

*Faamaonia.*

**FUAIUPU 14: Ua teuteuina le fuaiupu 21.**

*Faamaonia.*

**FUAIUPU 15: Ua teuteuina le fuaiupu 22.**

*Faamaonia.*

**FUAIUPU 16: Ua soloia le fuaiupu 23.**

*Faamaonia.*

**FUAIUPU 17: Ua teuteuina le fuaiupu 32.**

*Faamaonia.*

**FUAIUPU 18: Ua teuteuina le fuaiupu 34.**

*Faamaonia.*

**FUAIUPU 19: Ua teuteuina le fuaiupu 40.**

*Faamaonia.*

**FUAIUPU 20: Ua teuteuina le fuaiupu 41.**

*Faamaonia.*

**FUAIUPU 21: Ua teuteuina le fuaiupu 42.**

*Faamaonia.*

**FUAIUPU 22: Ua teuteuina le fuaiupu 48.**

*Faamaonia.*

**FUAIUPU 23: Ua teuteuina le fuaiupu 49.**

*Faamaonia.*

**FUAIUPU 24: Ua teuteuina fuaiupu 50, 52 ma le 54.**

*Faamaonia.*

**FUAIUPU 25: Ua teuteuina le fuaiupu 57.**

*Faamaonia.*

**FUAIUPU 26: Ua soloia le fuaiupu 58.**

*Faamaonia.*

**FUAIUPU 27: Teuteuga faatupulaia.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Pule o Vaega Fanua 2013.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopopo o Galuega.

Tulai mai lau Afioga i le Taitaifono o le Komiti.

**Tofa TUSA MISI TUPUOLA:** Lau Afioga i le Fofoga Fetalai ma le mamalu o le Maota, ou te tulai atu ma le faaaloalo e faatu le Faasaoga i le Fuaiupu 1 ma le Igoa e faapea:

**“FAASAOGA:**

*Ia aveese le fuainumera “2013” ma suia i le fuainumera “2014” ma faitauina ai le Igoa o le Tulafono e faapea:*

**“Teuteuga o le Tulafono o Pule o Vaega Fanua 2014.”**

Ma le faaaloalo.

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Pule o Vaega Fanua 2014 faatasi ma Faasaoga.*

**TULAFONO TAU FAAOFI O TEUTEUGA O LE TULAFONO O FESOOTAIIGA 2013 – iloiloga auiliili**

**FOFOGA FETALAI:** E tusa ai ma le Tulafono Tumau 106, e tatau ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o Aoga, Saienisi, Fesootaiga ma Faamatalaga Tekonolosi.

O lea e le o maua e le o i ai i le Taitaifono. O ai le Sui Taitaifono o le Komiti lea? O se tasi o sui usufono mo Vaimauga Sisifo, Tofa Lenatai Victor

Faafai Tamapua. O ai le Sui Taitaifono? Ia tulai mai le sui usufono mo Aiga i le Tai e faatu le lafo mo le faaluaina o le faamaonia o la outou Tulafono.

**Susuga IFOPO MATIA FILIFI (Sui Taitaifono Komiti o Aoga, Saienisi, Fesootaiga ma Faamatalaga Tekonolosi):** Lau Afioga i le Fofoga Fetalai ou te faatu le lafo, *Ina ia faamaonia e lenei Fono Aoa le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o Fesootaiga 2013 faatasi ma le Faasaoga.*

*Faaluaina e le sui usufono mo Palauli, sui usufono mo Falelatai ma Samatau, le sui usufono mo Sagaga le Falefa ma le sui usufono mo Alataua Sisifo.*

**FOFOGA FETALAI:** E faamalulu atu i le Maota o le Taitaifono na faaooina mai lana faanoi ona o lo o aafia i le faamai gasegase o fofoga. O se Taitaifono usitai tele i tuutuuga ma le faatonuga mamai o...’aue ne i aafia i le tatou Fono, e faapena foi ona tuuina atu le faatonuga ia i latou, a e silafia loa ua e gasegase, ia ua tatou ona e malolo ma le tatou Fono, e taofiofia ai le tulaga o le tatou faamai e pei ona tatou talanoaina, ae taatia ia mo le vaiaso fou, ina ia logosaia ma ia tulaga lelei le tatou Fono e pei ona masani ai.

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoa le Lipoti a le Komiti o Mataupu tau Aoga, Saienisi, Fesootaiga ma Faamatalaga Tekonolosi i le Tulafono Tau Faaofi o Teuteuga o le Tulafono o Fesootaiga 2013.

O le a sagai atu le Fono Aoa i le Iloiloga Auiliili o le Tulafono Tau Faaofi o Teuteuga o le Tulafono o Fesootaiga 2013.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Faamatalaina o uiga o upu.**

*Faamaonia.*

**FUAIUPU 3: Sini o lenei Tulafono.**

*Faamaonia.*

**FUAIUPU 4: Matafaioi, galuega tauave ma malosiaga o le Pule Faatonu.**

*Faamaonia.*

**FUAIUPU 5: Ofisa o le Pule Faatonu.**

*Faamaonia.*

**FUAIUPU 6: Talosaga tetee i poloaiga a le Pule Faatonu e faia i le Komisi Faamasino Tau Fesootaiga.**

*Faamaonia.*

**FUAIUPU 7: O isi sui auai o le komisi faamasino.**

*Faamaonia.*

**FUAIUPU 8: Taulumaga a le komisi faamasino.**

*Faamaonia.*

**FUAIUPU 9: Faaiuga a le komisi faamasino.**

*Faamaonia.*

**FUAIUPU 10: E tatau ona taofia moliaga faaletulafono i talosaga tetee.**

*Faamaonia.*

**FUAIUPU 11: Faitioga a tagata o lo o faaaogāina auaunaga.**

*Faamaonia.*

**FUAIUPU 12: Feeseeseaiga i le va o kamupani o lo o tuuina atu auaunaga.**

*Faamaonia.*

**FUAIUPU 13: Feeseeseaiga i le va o tagata o lo o faaaogāina auaunaga.**

*Faamaonia.*

**FUAIUPU 14: Faaofiina o aiaiga fou.**

*Faamaonia.*

**FUAIUPU 15: O isi faaiuga e mafai ona foia ai feeseeseaiga.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Fesootaiga 2013.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopoopo o Galuega. Tulai mai lau Afioga i le Taitaifono o le Komiti.

**Susuga IFOPO MATIA FILISI:** Lau Afioga i le Fofoga Fetalai ou te faatu le Faasaoga i le Fuaiupu 1 e faapea:

**“FAASAOGA:**

*Ia aveese le fuaiupu “2013” ma suia i le fuainumera “2014” ma faitauina ai le Igoa o le Tulafono e faapea:-*

**“Teuteuga o le Tulafono o Fesootaiga 2014.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Fesootaiga 2014 faatasi ma Faasaoga.*



**TULAFONO TAU FAAOFI O TEUTEUGA O LE TULAFONO O  
SOLIGATULAFONO TAU LEOLEO 2013 – iloiloga auiliili**

**FOFOGA FETALAI:** E tusa ai ma le Tulafono Tumau 106, e tatau ona faamoania muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa.

**Tofa TUISA TASI PATEA (Taitaifono o le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa):** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o Soligatulafono tau Leoleo 2013 faatasi ma le Faasaoga.*

Faafetai.

*Faaluaina e le sui usufono mo Palauli, sui usufono mo Falelatai ma Samatau ma le sui usufono mo Alataua Sisifo.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le Tulafono Tau Faaofi o Teuteuga o le Tulafono o Soligatulafono tau Leoleo 2013.

O le a sagai atu le Fono Aoao i le iloiloga auiliili o le Tulafono Tau Faaofi o Teuteuga o le Tulafono o Soligatulafono tau Leoleo 2014.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Soloia.**

*Faamaonia.*

**FUAIUPU 3: Aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Soligatulafono Tau Leoleo 2013.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopoopo o Galuega.

Tulai mai lau Afioga i le Taitaifono o le Komiti.

**Tofa TUISA TASI PATEA:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

**“FAASAOGA:**

*Ia aveese le fuainumera “2013” ma suia i le fuainumera “2014” ma faitauina ai le Igoa o le Tulafono e faapea:-*

**“Teuteuga o le Tulafono o Soligatulafono tau Leoleo 2014.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Soligatulafono tau Leoleo 2014 faatasi ma le Faasaoga.*

**TULAFONO TAU FAAOFI O TEUTEUGA O LE TULAFONO O FEFAATAUAIGA, MEA TAU PISINISI MA ATINAE O ALAMANUIA 2013 – iloiloga auiliili**

**FOFOGA FETALAI:** E tusa ai ma le Tulafono Tumau 106, e tatau ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea o le Iloiloga Auiliili o le Tulafono Tau Faaofi.

Tulai mai le Afioga i le Taitaifono o le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa.

**Afioga Hon LEAUPEPE TOLEAFOA APULU FAAFISI (Taitaifono o le Komiti o Oloa Gaosia Tulaga Muamua, Mataupu tau Pisinisi, Alamanuia ma Leipa):** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o Fefaatauaiga, Mea tau Pisinisi ma Atinae o Alamanuia 2013 faatasi ma le Faasaoga.*

Ma le faaloalo lava lau Afioga.

*Faaluaina e le sui usufono mo Siumu.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti o Oloa Gaosia Tulaga Muamua Mataupu tau Pisinisi, Alamanuia ma Leipa i le Tulafono Tau Faaofi o Teuteuga o le Tulafono o Fefaatauaiga, Mea tau Pisinisi ma Atiina A’e o Alamanuia 2013.

O le a sagai atu le Fono Aoao i le Iloiloga Auiliili o le Tulafono Tau Faaofi o Teuteuga o le Tulafono o Fefaatauaiga, Mea tau Pisinisi ma Atiina A'e o Alamanuia 2013.

E tusa ai ma le Tulafono Tumau 102, e amata le iloiloga auiliili o le Tulafono Tau Faaofi i lona Fuaiupu 2.

**FUAIUPU 2: Teuteuga i le fuaiupu 5.**

*Faamaonia.*

**FUAIUPU 3: Ua suia le fuaiupu 6.**

*Faamaonia.*

**FUAIUPU 4: Teuteuga faatupulaia ma aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Fefaatauaiga, Mea tau Pisinisi ma Atinae o Alamanuia 2013.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalua i le Pepa Faaopopo o Galuega.

Tulai mai lau Afioga i le Taitaifono o le Komiti.

**Afioga Hon LEAUPEPE TOLEAFOA APULU FAAFISI:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

**“FAASAOGA:**

*Ia aveese le fuainumera “2013” ma suia i le fuainumera “2014” ma faitauina ai le Igoa o le Tulafono e faapea:-*

**“Teuteuga o le Tulafono o Fefaatauaiga, Mea tau Pisinisi ma Atinae o Alamanuia 2013.”**

Ma lou faaaloalo faafetai.

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Fefaatauaiga, Mea tau Pisinisi ma Atinae o Alamanuia 2013 faatasi ma Faasaoga.*

**FOFOGA FETALAI:** Ia ou te manatu o lea ua tatou taunuu i le taunuuga o lenei aso, e manatu o tatou polokalame sa faatulagaina, ia sa faapea e tatou te oo po o le ta o le 1:00 pei o le taimi na tatou faatulagaina. Ae o lea ua vave tele la outou Ioe, ia ou te manatu ua tatou ai i le vave foi ona tatou malolo, o mea lelei ia. Ma e manatu e lelei le tatou sailiili malosi, o lea e maitau atu lava, e le o usitaia e nisi o le Maota le fai atu lava e fuafua lo tatou malosi, ia a o lea e agai mai lava i le tatou Fono. O le ala lea o le a le faia ai se tulaga faamalositia a le Fofoga Fetalai, ae o le a lafo atu pea i sui usufono mamalu tatou sailiili malosi aua o lea e aulia le vaiaso atoa lea o le a sau, ia ma le isi vaiaso i ona tua atu, seia maea lelei uma a tatou Tulafono tatou Lipoti, ia ona tatou malolo ai lea. O le tatou lafo faatu lena i le tatou Fono lenei.

I le agaga faaaloalo, e momoli atu le agaga faafetai tele i le paia ma le mamalu o lo tatou Maota. E manatu o lea ua tatou taunuu mai i le taunuuga o le tatou galuega i lenei vaiaso pei ona tatou tuupoina, ona e tele ma anoanoai nisi o tuatuaanoa o le tatou Malo aemaise foi o a outou Afioga i sui usufono.

O lo o i ai le faamoemoe taua e agai atu i le Motu tele i Salafai ona o le faatinoga o nisi o mea taua sa soalaupuleina mai le la tausaga ma lenei tausaga, ia ua tataua ona faataunuuinia ma faasolo galuega a le Pulega o le Malo.

Ae i le agaga faaaloalo ou te momoli atu le faafetai tele i le paia ma le mamalu o le tatou Maota, i le Afioga i le Palemia, le Sui Palemia ma le Kapeneta, ia aemaise foi lau Afioga i le Taitai o le Itu Agai, ua vaai atu lava i le tilitili alu mai ona o lou manatu i le tatou galuega, ua le faasilia lou silasila i le lē atoatoa o le malosi i le tino o le agaga ma le mafaufau, ae o lo o e agai mai pea e taumafai le tatou galuega mo lenei aso. E faafetai atu malo o le mea lena e tau o le Taitai, e le tuuaunoaina le Autau, e tataua lava ona tuuama ma silasila lau Afioga ia ona o lou fesoasoani mai i lenei aso. O a foi tulaga i tuleiga ma saunoaga o lenei aso, ia ua faatumuli atu foi le Taitai o le Malo ona o malologa o le tino, e faapena le tatou galuega. O ai lava le tagata e tataua ona fai se malologa e faafoisia le malosi i le tino, ia ona tatou toe feiloai foi lea ae ua faafoisia e sailiili malosi. A o le agaga o lenei aso, na ona ou faafetai atu.

E le mafai ona faagaloina le tapuaiga a Samoa, e talitonu le faamoemoe, Samoa, ia o lenei ua tini tauao le galuega a lau Palemene mo lenei foi vaiaso, e i ai le Taualumaga e faaauau le galuega mo le vaiaso fou. Ae faafetai tatalo, faafetai tapuai mai i le atunuu pele o i ona tulaga faalupe e mai lava i ona Ao sei oo i ona Iu, alii mamalu i tupu ma ee i alii ma faipule, faletua ma tausi, saoa ma tamaitai, ma le loaloa o Samoa i ona tulaga faalupeina ma ona mamalu sauoo, faafetai le tapuai mai i le Fonotaga a lou Palemene.

Le aufai tatalo, ia o lea ua outou faafofoga i lenei taeao, o le Maota lenei e le tuuaunoaina e oo lava i le tatalo a le Fofoga Fetalai ua fesiligia, po o fea e agai i ai le tatalo a le Fofoga Fetalai, a o le faamoemoe, o le e tatalo i le mea

lilo, e i ai le Silisiliese. Tatalo le tagata ia i lona lava lagona ma lona manatu ina ia talosia tatou uma, ia ae le o le tatalo faapito.

A o le agaga ma le faaaloalo i lenei aso, e momoli atu le faafetai tele i lo tatou Maota, ia e i ai le talitonuga o le a tatou feiloai pea i nai aso o totoe – ma le talitonuga e taitai lo outou soifua manuia ma lo outou soifua maua i le vaiaso fou.

E tuuina atu i lau Afioga i le Sui Palemia mo le lafo e toe faatu ai le tatou galuega mo le vaiaso fou, tulai mai.

## LAFO MO LE TOLOPOINA

**Tofa Hon FONOTOE NUAFESILI PIERRE LAUOFO:** Lau Afioga i le Fofoga Fetalai, ia ae e lei faatuina le lafo, e momoli atu foi le faamalo ma le faafetai i lau Afioga i le faafoeina o le tatou Fonotaga i lenei vaiaso, ia ua faamalo le faapalepale. E tele a tatou galuega ua maea ona faatino, o tatou Tulafono ua pasia aua se manuia o le tatou atunuu.

E momoli atu foi le faamalo ma le faafetai i le la itu o le malu, le Afioga i le Taitai o le Itu Agai ma le Sui Taitai, e faapena lena Vaega atoa, faamalo le onosai, malo foi le tauatai, malo le finau. Ia o aga masani ia o le tatou galuega e tatau lava ona tatou talanoaina ma soalaupule ia tulaga o a tatou Tulafono pei ona aumai i luma o le Maota ina ia taunuu i se taunuuga lelei.

E faamalo foi i lea itu o le malu, faamalo le galulue, ua faapena ona taunuu foi le tatou Fonotaga i lenei vaiaso i se taunuuga lelei, e amata lava i le taeao o le Aso Lua e faapena le po i a tatou Fono ao Fono po i lenei vaiaso, faafetai i le Atua o lo o faatasi mai pea e maua ai pea e tatou le manuia.

Ia alofagia foi e le Atua le Afioga i le Palemia i ona tuatuagia i tulaga o lo o i ai, ia faapena ona maua pea lona soifua laulelei.

O le tapuaiga a Samoa, o lea ua maea ona e pai i ai lau Afioga i le Fofoga Fetalai, ia faapena ona manuia le tapuaiga a le atunuu e amata mai i ona mauga tetele sei paia le aupito itiiti.

O le tapuaiga a le Auaigaluega Paia a le Atua, faafetai tatalo, faamalo le tapuai.

Ona ou faapea ai lea lau Afioga i le Fofoga Fetalai ma le faaaloalo tele, ua ou faatuina ai le lafo, *Ina ia tolopoina nei Taulumaga a le Fono Aoao seia aulia le Aso Gafua, aso 24 Mati 2014 i le itula e 9:00 i le taeao.*

O le lafo lea lau Afioga i le Fofoga Fetalai.

*Faaluaina e le Minisita mo Fesootaiga ma Faamatalaga Tekonolosi ma le Minisita mo Tina ma Tamaitai, Atinae o Nuu ma Afioga ma Agafesootai.*

**FOFOGA FETALAI:** Ae lei faaiuina le tatou Fonotaga, ou te valaau atu ma le faaaloalo i le sui usufono mo Faasaleleaga Nu. 3, ia afio maia lau Afioga e fai se tatou tatalo faai e faai ai le tatou Fonotaga i lenei aso.

*Na tolopo Taulumaga a le Fono Aoao i le itula e 12:35 i le aoauli, seia aulia le itula e 9:00 i le taeao o le Aso Gafua, 24 Mati 2014.*